

查東山先生年譜

向讀覺庵存稿擬輯年譜自恨才疏學淺無從起手蓋
世稍遠而年湮矣至東山老人 國初名最著家乘竟
一傳之不存豈因革之際有所隱諱歟然並無所爲隱
諱也公開我族之文運衣被一時者澤甚深長著作富
而傳者絕少失今不采葺後漸散失詎不大可恨哉張
君鐵庵予之畏友也博識周知以搜羅近代逸事爲己
責偶乘夜航入禾晨未起夢中若有人促之者入市見
古董攤適陳列殘書見有學圃集兩卷其一爲東山查
先生年譜蓋卽公門人墨庵沈仲方氏所論最爲徵信
大喜如見鴻寶購而得之若少遲則爲他人有矣鐵庵
不以爲帳中祕本徧告同人既見鐵庵學問明通性情

坦率爲不可及而更喜我輩奮志欲修輯先哲舊聞一
旦遇合有緣也謹借而錄之以補家乘之不足且訂卒
年丁巳之誤而從叔稻蓀翁亦嘗從事于此擬彙他書
之異同釐而正之別爲一葉 禮卽以東山老人七秩時
其門人吳啟豐所作乞言四六壽啟排列事蹟綴于左
以備參攷其句云云與年譜合而觀之爲顯爲隱如山
川互相映發眞所謂驗燥溼之殊節千載依然體老壯
之異時百齡俄頃不覺欣感交集此與東山外記所載
略同內中特爲陸晉出色寫照以見世俗稱雪邁直是
傳聞之謬公墓在袁鎮南十一莊慎字號黃泥潭南岸
舊居之南黃泥潭卽以公所居得名故杭城錢治嶺亦

有黃泥潭之名公壽穴在八字橋此譜中所稱生壙是也今已不可攷矣此稱新墳蔣夫人有蔡閣偶吟別新墳詩云翁姑身歸三尺土兒婦心安十二分泉下無人誰個伴臨行含淚別新墳曰新墳則非舊穴可知矣今僅一坏之土四面盡爲鄉人栽作所佔而州誌墳墓一卷獨漏後誰願而問之禮擬約同人清釐之併拓其餘地構祠堂數椽立石以表墓奉粟主以棲神墓旁更栽梅花數十本梅亦公所愛暇日約二三知己以杯酒澆之但自願齒髮零落駸駸恐有不及爰書此以俟來者能踵而成之是亦一佳話也時歲在丁巳季冬上浣裔孫熙臺世禮記年七十有三

年譜鈔畢系以詩

世澧 樓園

與世漸疏名利澹於書轉切性情真此身恨不通前哲
今日欣然見古人七十年詩分兩甲八千葉稿散殘鱗
深知時務稱豪傑獨抱經綸異逸民絲竹何曾妨道學
金蘭原不隔風塵愛才目識翳桑餓分利心憐范叔貧
見業也知宜閉口曰人能閉口一日則鬼神亦不能測逃名竟未克藏身
數先相理盈虧出有數先陽不除陰治亂循原本書序謂陰陽合
道而成貫索文星通象緯山林鐘鼎付荒榛祖鐙禪已歸
天上釣玉軒徒問水濱講席久隨雲氣散故園難覓石
泉新東山舊宅相傳有井七口今皆湮沒孤墳擬補梅花樹喚醒東風嶺
上春

請何以注注之者誌幸也異也又從勉強而成之昔吾里查東山先生一世龍門束脩遠數千里爲儒爲俠爲理學爲游藝當世莫得窺其藩籬著書滿家蠶叢獨闢五丁氣索惜世少鑄本流傳知希則貴矣恐久久湮沒濤遇書籍中有事屬先生必拊撫隨手鈔錄將核其事蹟繫以歲月彙年譜一書以誌嚮往媿才蹙義緩急理亂絲千頭萬緒猝難措手藏銅篋中寒暑屢更丁巳秋附夜航之禾鬻販甫就枕夢古衣冠偉丈夫捉子臂連呼起起豁然驚醒無甚異焉晨抵郡會計廳畢舟子速乘忽遘同鄉友遇行拉子茗談紆道經用里街瞥見東山先生年譜厠古董攤亂書堆中是及門沈子墨庵所

著學園集原稿之第七卷也亟購獲奚啻球璧恍悟昨夜夢中起予者得非沈子耶沈爲先生入室弟子久侍講席贊飭諸草於先生偉行奇節審之甚詳度所編最可信弗祕弗棄閱今一百八十年奇逢巧值留以贈子若有冥契嗚呼異哉幾年來若吞魚鰓橫貯胸中格格不能吐一旦渙然冰釋豈非大幸乎哉前此篋中物概當焚如棄如奚用日孳孳爲但恐好古之心懈懈則不振後無復從事於斯遂將夙所摺摭鈔錄或補或注或附真所謂碌碌因人成事者將俟父目我我無辭昔先生之教人曰此心置之則淺如登山然已踰半空釋去必從山麓起步不逮昨日矣又曰學貴勉強壽習懶性

成恐始勇終懈故勉強踵成之倘敬修堂尙在或許我
焉咸豐九年歲次己未孟冬下澣同里後學張濤鐵庵
書於篝鐙補讀居

徵引書目

欽定貳臣傳

三藩紀事本末

陸榮

遜國紀

鄭曉

杭州府志

揚州府志

海寧蔡志

蔡完

海寧金志

金龍

海寧許志

許三禮

海昌外志

談遷

拜經樓藏書題跋記

吳壽暘

海昌藝文誌 管庭芬

老父雲游始末 閨秀陸莘行

東山七秩乞言啟 吳啟豐

南征紀略 孫廷銓

花溪志 許良謨

始讀軒集 查旦

同宗詩選 查庚昌

選佛詩傳 查義

南燭軒詩話 查選

巖門詩話 查岐昌

國朝詩別裁集 沈德潛

滄翠軒稿

閨秀徐瑩

紹更餘聞

許良謨

耄餘詩話

周春

檠閣偶詠

閨秀蔣宜

詞苑叢談

徐鉉

西河集

毛奇齡

安雅堂集

宋琬

咸齋文鈔

查魏旭

耿巖文鈔

沈珩

學園集

沈起

漸江詩鈔

查容

安序堂文鈔 毛際可

硤川志 王簡可

觚賸 鈕琇

蔣夫人行略 查昇

查氏譜

東山外紀 劉振麟

查浦輯聞 查嗣琛

在園雜誌 劉廷璣

偶然錄 查顯

豔雪亭雜纂 王簡可

蓮夢居筆記 祝咸章

怡園紀聞 周在霄

澄齋偶談 馮騏

夢椽雜鈔 許良謨

明詩綜 朱樊尊

聊齋志異 蒲松齡

池北偶談 王士禎

金牛隨筆 許令典

引自著書目

國壽錄

罪惟錄

魯春秋

東山國語

同學出處偶記

族譜徵異

得案日記

敬修變風集

釣業

先甲集

後甲集

例言

沈君所纂不敢損益一字圈點悉遵原稿庶存廬山真面目

先生事蹟散見於外紀偶記東山國語魯春秋諸書甚夥倘有年日可據沈譜失載者補之

沈譜既載與諸書微有異同附記於後互相證明諸家論贊品題足資闡幽表微閒亦采入仿王陽明先生年譜例也譜中詩文有關係者或節錄或全錄仿吳忠節公年譜例也著書目錄全載者仿張楊園先生年譜例也

昔人以譜繫詩茲以詩繫譜體例不同非敢賣菜求益

詩文有年月可考譜中不相及者附載於後

姓氏爵里可考者詳注其下有所不知概闕如也僕猥處閭閻家無藏書兼之學陋才疏篝鐙屬筆挂一漏萬知所不免尙期諸君子指示迷津匡予不逮咸戴奚似

東山七秩乞言啟

吳啟豐

庚戌秋七月之四日爲東山七秩懸弧同門吳啟豐字

文源遣使屬昌等徧乞大言爲壽媿無能臚述聊數百

一以聞同倫曰孔夫子自題年譜老至從心朱文公特

筆齋軒晚而講學彼翁孫方將擐甲而起卽渤海猶能

奉詔以行記絲竹自古東山謝傅恐勛名不免嗣梅鶴

相陪西子逋公高封禪著書蓋洛社固不以其年而陽

秋實自忘其老如我敬修先生簪被至列唐而盛勛封

自東濟以來初爲子因春秋會吳于查卽其地生龍鳳兩山之間海昌東鄆

劉青田以壯氣在此本節孝再傳之後曾大母破鏡矢明初截龍腰洩之節大父以孝聞

童而得悟多從板凳說書童聽評語水髻亦無師私付

高眉故事

七歲效顰本吟詩

借鈔以開耳目燈暗孤禪

嘗賴佛

手爨不釋詩書煙籠兩眼讀伍員傳便疑能孝而不能

忠見汲冢書直歎可存而不可論多學亦曾游藝尊儒

祇有窮經揣摩不止於期年稱翁以自媿

年二十餘許在門及開巷

咸呼為與翁

從游皆遵其別說飯乞而為朋

事在外記所云陸晉是也已

先闡解

丁卯馬山陰擬壓卷爭不得

旋復差之偶挂曹銜匪所善也

嘗司選政文非又戒之署不觀亦坐墨池世競魯公之

書為尙序擬墨只一言諸公興會及此

賈求弁言急振筆書上六字應

之別粵東留數韻名山交付何人

留別同人曾有逸興淋漓成往事名山交

付與何人之

虎座橫經先經術而次詞章取義同平安

定鱣壇設帳前生徒而後女樂秉正過乎扶風不居道

德之名儘以表章自任原書指期有用上下卷頗憂水

火分門

革別門黨事過激有作今失下卷

講錄理妙入情數十年猶認

聖賢生面

洗發精義為諸儒所向

處困而不失其守簡舊句曾云

恃危不見才

題與孫敬人句好異都因性恃危不見才

感時而快所欲言捧

新篇曰得句誠為福

題於杜于皇句得句軼簡之存無誠為福論文不在時

幾向分先甲後甲

自甲申先後而分軼

等身有餘巧文之履宏多

不論長言短言信口付去說外說造說難

三書名

編軼殊

名異書異夢異人

嘗有好夢豈教偏獨賞異書忍不與君同之句

矢心獨好史

論初成兩部自司馬班氏以往直欲將二十七史盡與

褒譏得力但在四書奉學庸語孟為歸每思從七十二

賢潛通聲氣

題講堂有有身長置三千閉門而參野乘座此日何嘗五百年之句

以備正史偏辭博記之呼負扭而工法書見逮時樓可入二

王之室通鑑嚴之輯卷八刪後五代而濟彼南唐有論告世宮

譜定之修放諸縣聲而原于正始高日事雅工歌譜于

是寄情平仄四劇真可絃歌外玉璩緣鳴鳩度眼前因而不

全改爲小因而落筆丹青此日號爲黃戴直論畫有獨指

于文理上少工夫且未嘗見山月每幾裁手蘭手承筆

水不過鄉塾對課世多贗筆月每幾裁手蘭手承筆

成蘭有三四徒遺禿管如林生不一借唾餘自理舊篇

餉客敬修堂之孤唱要言不漏無過存誠六一亭有豐

碑羣賢合祠實煩道力或曰安危竟關象緯文星貫共

知性道卽在文章生平以利物爲心振拔卽更端難數

在外記不聯名入牒兩家數百口總在帡幪范陸共借

過十二三

鑑掄才是年甲乙科盡登英妙辛卯張羣伯相延閱卷鄉會兩試榜首貢者七

十三名前得雋者共十三人讀書而併悟尊生之學隆儒不過爲闢

佛之言以外教無尙實遙束脯數千里以外傳一語奉

爲真詮常贊外興寧長樂至合學成侍坐且未謀一面馳牘而請教者儘負通數千

金有餘越十年不經責券粵囊率緩急人坐是囊甚無所爲門戶羣

以爲談笑而適藉以藏身甲申後常恐不免益力此居諸不以

當危疑而坐荒其初業註誤之後不釋旦夕必投筆而揖客每續

膏而始眠笠屐綸竿尙欲果夢游之約興觀羣怨擬踵

成詩可之篇前刻僅宦粵者茲擬爲明詩可之選與墨庵共事學易加二十年

恰好秋之初吉傳人在二三子無能贊以一辭雖外記

所次未盡德言在趨庭有人能聞詩禮卽欲閒繫駒于

在谷其如賦鳴鶴以聞皋敬候大言用將躋獻

查東山先生年譜

嘉業堂叢書

樵李門人沈起仲方譔

後學張濤鐵庵

同里

族孫 穀稻孫

纂注

明萬厯辛丑先生始生

先生生於萬厯辛丑秋七月四日酉時爲神宗二十

九年浙之海寧人

（一統志）三國鹽官州元改海寧

先生手葺家譜溯

周時有諱延者以子爵始封于杻

（新安統宗世譜）姬姓字東安周惠王

封于

春秋傳晉會吳于杻杻係古字卽查爲姓

（東山外紀）

凡有大書

其分支爲胥臣從重耳出亡贊城濮之戰

顯于晉至南唐文徽公破閩抗吳越居徽之休寧墳

墓在焉

查氏世譜師詣公字崇遠唐僖宗時官游擊將軍上柱國卒葬歛之西山生子昌字宗儒

為唐吉王長史避亂居休寧卒葬二都口圩長子文徽公字光慎南唐建州留後工部尚書封寧國公

修堂文集師詣公由元末伯圭公字璋叔查氏宗譜

丹陽郡遷歛之黃墩元末伯圭公任元為校書郎孫

均寶號仁齋遷橋李一統志吳越復遷海寧之龍山

始遷袁化遷橋李一統志吳越復遷海寧之龍山

州志作妙果山周光斗怡園記聞袁花俗稱園花鎮

之山總名為龍山分則主峯為妙果山俗稱園花鎮

劉青田望氣海上海寧寓賢傳劉基字伯溫青田人

果山尾相傳劉誠意整頓許志鎮在縣東六十游龍

里金牛隨筆袁市之為市自唐宣宗以來有之游龍

山與伯圭為密友先生蓋伯圭公十五世孫也氏宗

諸實十離龍山二里為審山外志作石棋山金志按

三世傳上有審食其墓土人誤讀食其本音遂稱石棋案

審食其高陽人歷仕未嘗至吳何得遺骸遠瘞必無

理先生世居山之西舊居查家橋先生呼其山為東

山後遂稱東山先生云

補曾祖諱懋功字維敘號果山邑庠生早卒配徐魯人破鏡矢志

談遷海昌外志徐氏諸生查懋功妻年十九夫亡破鏡見志慈溪觀察劉憲龍作破鏡行茅鹿門坤有半鏡贊

祖諱肇翼字祖信號繼泉配范孺人始遷東山先大父述略節大父兩歲孤少警慧嗣汪五峰以倭來郡縣奉節母牽舟避城南舟爲諸卒攫去時大父僅八九齡自縋城下步履如飛覓得之以纜繫腹引而歸雖旌旗盛設金鼓震動軍容特嚴無少怖懼長老

咸歎服貧無師年十四爲塾師讀訛旁觀笑之遂發憤讀書徧諮詢性敏記尤嗜性理書晚通景繩學好周給人生平活生者五六人葬死者數十人年八十有六終

補父諱大宗字爾翰自號桃源居士配沈孺人黃石齋撰傳

先子節記信理眞故能堅忍惟堅忍故不爲飢寒所移用情篤故能寬恕惟寬恕故不爲聰明所激先生病家之人夢坐奠于古墓之旁先生戒勿事醫曰醫醫生否徒多事已而藥勿效先是先生重兩聽時語後事勿令先生知先生輒聞之如有神告作偈語有

孝弟爲根本忠厚以周旋又有六十餘年間今日見
我真之句預定近期促沐浴神氣閒適指此心快活
者三卒年六十有二

乙巳先生五歲

先生幼多病父爾翰公醇朴不善治生家道中落（先
述略）食貧甚（俯仰
常蕭然絕無愠色）力不能延師爾翰公口授章句踰
年四書成誦無遺忘

丁未先生七歲

補七歲效塾本吟詩（吳啟豐東山七秩乞言啟）習亦
無師私村高眉故事注云云

己酉先生九歲

時爾翰公就館于族姓先生居家助母夫人操作（花溪）

志沈氏處士宗武女查爾翰室自幼即解音韻反切之學工詩文稿於滄桑後散失子即毅齋伊璜其學半得于母氏之教亦不廢所業與長兄毅翁同力學（州志）查繼伸字寤五號毅齋諸生受業漳浦之門著有寤廬集

庚戌先生十歲

先生兒童時常游市見市肆兒閱水滸傳借觀之中生縱橫自以爲有悟（乞言啟）童而得悟多從板凳說書吾聞水滸不可應試一日然桑條未枯火不力母夫人語曰汝知之乎條去皮而火壯先生悟于是每事求理十餘齡即留心格致之學

辛亥先生十一歲

受業于鄰近通專經讀兼經竟繼續讀國策忽失聲曰

一部水滸卻從此書出同學咸怪之偶于敗楮中得
先輩桂北海制義一首 ■ 摹逾刻率爾爲文懸衣
帶累數十家人浣衣出視之爾翰公取閱謂有思路
有別情始命先生與文期每日晨炊一飽赴館袖粉
餌以代晚食隨路口誦聲徹林樾翱翔而行亦隨路
遺失粉餌不知也日過中從袖覓粉餌不得往往受
飢

壬子先生十二歲

是年負笈從學不便家食宿館中手執爨煙迷兩目
爲掩淚若泣如此經歲意固樂之文成而蒙師不甚
解先達許公方壺覽之 名 詩集自 嗟歎以爲當

注效翁尊人

代異人

乙卯先生十五歲

文譽日起

（查旦始讀軒集寄伊璜兄十五擅詩文下筆風雲走）

戊午先生十八歲

始出應縣試名繼佑以試冊誤書佐遂仍之初字三

秀更字支三號伊璜發標題書畫稱釣史或稱釣玉

當世珍之

（外紀少好學自號與齋身在茲之義申酉之後更名省字不省入粵後或隱姓名爲）

左尹別號非人氏（乞言啟）年二十餘許在門及閭巷咸呼爲與翁注

己未先生十九歲

始受室孫氏夫人爲孫懷泉公女

（集中有悵內兄孫明寰詩云自余亡）

婦翁之妹

魯生名嗣馨號曰庵許
川翁名□□□□□自爲風氣好尙崖異衣冠不

同俗鄉先達聞之或輿從相訪則裏面不見曰吾學
未工輒爲所長短勢必釋吾就彼終無以自見

甲子先生二十四歲

豫章吳公茲勉

甲之

督學浙中得先生卷異之拔置第

二名食餼秋闈不利嗣後考結諸生單薄之子一無
所取故臨試時才而貧者願盡附先生結冊中

乙丑先生二十五歲

先生聲價益高里中諸望族備厚幣爭館穀之每與
及門講學恐其昏憤失聽取優俳所用一撮鬚置之
座右講未半見有昏憤者卽挂鬚齒頰閒作俯仰視

頃刻變易昏憤者咸笑起爲之惺然于是聽講諸子
耳目開明無不受益而去

丁卯先生二十七歲

赴秋闈房師馬公騰仲□□請以先生卷領浙首主

司欲屈置第二馬爭之不得曰寧落在爲後科第一

人遂入窮山以魏瓘驕橫行且亂世必多故與門人

技擊因有弧矢方將易蠹魚之句魏敗乃已時效翁

挈其弟川翁約先生同守歲僧舍共一竹榻後賦詩

云猶記肄業菩提庵（州志）真如寺在縣東七十里除舊名菩提寺晉干寶故址

夕不歸西風單竹林趺坐況不足三人側臥猶云寬

五鼓起奏二藝畢歸壽家長日未光也（補）少頗事釣

弋兼以博弈丁卯延師肄技擊獨善運槩小弓洞徹

走馬最便

見外紀

崇禎元年戊辰先生二十八歲

是時三吳壇坫繁興先生每少可而多怪既與十二翁爲月課自爲風氣而好尙頗雜凡殊能絕技之士

無不游于先生之門武林有鄭方叔者精琴學

文集鄭方

字正林別號無偶又號韻谷生草橋門小賣爲活亦精天文與武原祖無功游從學弟子得其傳者惟祖氏爲精其刪定諸譜并樂論諸書

無梓本藏祖氏外志作鄭正叔

與先生交最善常

問鄭曰琴未彈故無聲也既彈聲從何起鄭曰聲起七徽之間漸分而兩殺每絃精刻十二律從尾至徽徐而促蓋數週律而絃盡歷七絃而黃鐘大呂諸律

每二十餘見也變化足故通神先生曰然諸書皆言

理惟易變化故通神琴絃神理其盡易乎（外紀）先生學琴於鄭

正叔互相發難語鄭曰凡八音斲土革木一聲無高

下金石與竹止十三聲其高下借用亦無所不備琴

瑟所以通神猶之五經惟易理無不備嘗作玉璫緣

有曰三教無如儒最大五經惟有易通神是也先生

畜琴名自然弄易習歷二十餘年棄之入越又有杜

歸時盜攫去不知其處自是情荒遂絕響

生六合人也俗號水碁杜亦以水碁自名與人對局

不顧求勝而立論多奇詭先生時與之弈以善敗爲

喜久之人不議也（外紀）杜水碁嘗傍贊秋千弈譜一

不長其善江南送

競呼杜水碁云先生分館穀以養之一日兩國手

打譜定一和局所爭只一子在白則白勝在黑則黑

勝兩人各不能下杜生從旁語曰須如此則兩平矣

兩人愕然歎服外紀水棋工圖情常曰弈智不能益

以極動而得靜願益人自後吳爾求者出水棋門下

亦相依先生最久先生精此義最後從吳雲從得錯

認三蹀尤絕若王樂水之評話（東山國語）江寧有王樂水

乃專說書盡態極奇江濟寰之星學趙君融之篆

籀外紀先生嘗用印章初盛符先之術數沈似蘿之

度曲（同學弟子）出處偶記沈陵字湘岸號似蘿海昌

以科舉程墨不閑月揣約二十餘人其後刻釣玉軒

稿列同友姓氏共二十子首列鄭杜而所謂十二翁

竟置不書世愈奇之

潮案王樂水乙酉武林潰扶其瞽妻登江橋相持慟

哭入水死沈陵乙酉六月受計監荊本澈軍遇大

軍于郭店戰不勝眾潰獨殿後中流矢沒于陣又有
田家兒馬聖相鄉人棄農爲瞽星家代杖牽走受星
學先生教之字輒了了聞沈陵奮義往助之同敗卒
先生賞識人才迥出尋常類如此

己巳先生二十九歲

從游益進族弟虹成

（查氏譜）名琬字商衡又字虹成布衣卽韜荒父著有吹雲集

就學他處慕先生教私以文求正阿翁知而痛懲之

（查氏譜）名大緒字繩武

虹成私請如故不踰年虹成得首拔游

庠阿翁曰吾恐伊璜詭怪誤我子今且有成驗姑聽

之旣而二南王望諸兄弟

（州志）名詩繼字二南號樊村順治甲午舉人有深寧

齋集名培繼字王望號勉齋

順治壬辰進士有玉海堂集

皆在先生之門

偶記猶記己巳庚午之間鄒靜長先生督學吾浙課士最嚴時故事童子府名落例得借所知餘名以應及列紅案後徐請更名鄒道設威儀甚竟作對簿狀隨之以法具如犯闕不啻諸露借名之實者咸不免

庚午先生三十歲

先生與十二翁就試武林遇乞兒陸晉于畏五等晉新安人抗聲長歌目空左右羣乞咸唯唯聽命先生異之問曰若乞亦識字乎晉笑曰不識字還成得個乞子先生驚下階與揖曰子其得道者歟曷舍乞俯共朝夕晉曰夫誰不衣食人也吾取之不如其與之

吾勞取之不如其逸與之吾奢取之不如其約與之
且取之而使人忌取之而使人怨至取之而使人奪
取之而使人不容抵于法何如與之而人樂與之而
人不見損與之而人咸自以爲積福也先生固請晉
曰公等解我意暫爲知己輟業遂邀歸寓爲之櫛沐
爲之衣冠同社諸子皆親如昆弟乞言啟從游皆遵其別說飯乞而爲
朋自注所云陸晉是也外紀錢塘乞兒陸晉與羣乞高步狂吟先生異之試之詩應聲立就先生曰此中
乃有逸才扶歸櫛沐裏以完衣約同社具進飯之是秋應試復不利挈晉歸龍山

案此事蒲留仙鈕玉樵皆指爲吳順恪事蒲謂清明
遇之野寺中鈕謂雪中留飯明年孝廉寄寓杭之長
明寺攜侶薄游湖上忽遇前丐于放鶴亭側王阮亭

蔣心餘承襲其訛吳啟豐乃順恪子官將父落魄時
事嫁名他人形諸楮墨欲蓋彌彰有是理乎

先生自云葛如

六奇字

方布衣野走世傳余有一飯之

德懷之而思報其實無是也

見偶記

是則公在時已傳

其事故公爲之辨或謂時將軍已貴公爲之諱是固

未可知

見同宗詩選

有謂順恪旣貴頗諳文墨先生遂諱

言此事令著錄稱門人此則先生通變矣

見毫餘詩話

諸

家臆斷紛紛皆因陸晉事而附會之不及見外紀及
年譜故耳後許夢稼事記謂野寺卽吾鄉之崇教寺
勝國時屋宇尙未稠密故謂野寺向有覆鐘地上扣
之無聲人稱啞鐘又稱大力鐘更屬癡人說夢豈但

蛇足而已

辛未先生三十一歲

杭友邀先生讀書三茅觀乃留陸晉于董穉升家

外紀

作治升

旋赴三茅觀山靜無人常中夜起垂殿上懸鐙

泛濫典籍

外紀忽作狂呼虎豹警去倦臥敗經廚鼠

臥覆衾下終日始曉則與狎客絲竹騎射以爲樂寒

食抵家陸晉過釣玉軒坐客問陸生何字先生漫曰

字與之晉曰取義云何先生笑曰子不言與之之樂

乎于是陸與之之字始著留信宿借先生詩稿仍歸

于董未幾陸有去意久不言至中元之夜先生復自

杭歸翼日造董穉升家訪與之董歎曰渠昨日不告

我逸去留詩爲別覆之甌下詩曰桎梏一年餘以慰
諸公意我欲脫空游悶煞此天地先生得詩悵然因
爲之作傳（外紀晉所著多異人往往晉同社索資稅與從一游故乞處羣乞補伏不敢仰視久
之不樂題詩腕底復乞去不知所之查灝偶然錄家
敬修公拔陸晉一事世無知者余霽閱公所著同門
錄略議其端故詢之故老始得其詳蓋晉亦丐者也
公一見以爲不凡留之于家廁於其詳蓋晉亦丐者也
誨厯六載已而晉不自重與臧獲博錢爲戲或以告
公公因以爲所弛之士不足介意然恐爲下人所輕
因以微詞感動之晉慚是日卽逸去莫可蹤跡案是
查估亭得諸故老傳聞不及外紀年譜之詳且確是
春歲試有鮑子班者與許效翁交言其慷慨離俗以
冒籍領首值覆試或發之功令最嚴閉會城夜索先
生與效翁奇計匿之傾枯囊爲路費又出奇計晨縱
武林門而復一日疾輿二百里聞其父兄令爲備則

子班徒步先以父兄去留五言詩一章于門首云我
本大漳人飢驅無失路邑令遣吏捕其家不得昇錄
門詩以報乃免外紀鮑生貧不能菽水當事者得其
詩憐之爲和韻而法故不貸也時同

事成坐斃
鮑生全

後子班寄籍山陰以俠聞

壬申先生三十二歲

先生館于族弟二南家時從游益進

癸酉先生三十三歲

江右黎公博庵

元寬

督學浙中錄先生卷第一歎曰漆

園其復生乎是秋登賢書出李公少文門列卷首

族譜徵異余癸酉讀書西湖之包氏庄偶倦立隄上
忽一書生過隄揖余而進曰君莫是查余以每臨場
多遊衛士善之不深與語書生日吾無所求昨有如
君者謁一公座見南面朱衣二人互爭一欲首君一

不肖竟填入第九名查而忘其名余方侍側但識其貌恰似夢中故相詢余猶以爲術也復謝而去及場後有蜚語余卷不得達內簾書生復至曰無慮也已果出李老師少文門初擬解前而忤副座主置第九書生沈姓海內盛傳鈞玉軒稿其自序首句余生節忘其名

孝之後蓋未嘗無所本云節孝謂大王父幼孤未亡

人徐母苦節破鏡自誓前輩茅鹿門曾賦半鏡歌而

大王父尋以孝聞

注見前

先生既雋仍故居無餘椽新

僦茅廬數楹詠歌其中時爾翰公年踰五袞生平

易先生與兄毅齋弟少王

名繼培號蘭階師虞

名繼伍號

同居

一室互相友愛爾翰公色和先生益從容而加之以

敏至歲暮始計偕北上

附 籌鎧雜綴案是科吾里獲雋三人一祝開美先生

諱甲申杭州失守投繯死一買心直先生諱燧歸德衛籍河南解元闖賊圍歸德不屈罵賊死贈宛平知縣一爲東山先生奇行偉績照耀里閭可與弘治王子科浙江鄉試故胡尙書世寧孫忠烈燧王文成守仁同榜先後映輝當時謂三人做得好事兩閒正氣萃於一隅豈偶然哉

甲戌先生三十四歲

會試下第歸始應坊賈請選房牘名之曰戒自先輩掄文立教甚嚴及金沙操選多曲徇凡與復社者案社始于崇禎戊辰成于己巳推徐傳周鍾爲之主其盟書母蹈匪奔母讀非聖書母違老成人母矜厥長母以辨言亂正母干進喪乃身嗣今以往犯者小用諫大若擯僉曰諾蓋先後大會者三復社之名動朝

野以多選爲榮加以請託先生痛戒之因名爲戒其書盛行滿天下風氣爲之一變

乙亥先生三十五歲

先生讀書西湖之南屏著七字書原名兵權爲兵家言上下二卷七字者何分爲聲字形字氣字時字情字力字實字列數十條往往以名將故事爲驗序曰此書可以無人特恐不能無天耳謂逾數多變以七者不能盡驗故云

附外紀讀書西湖之南屏從游者頗眾時先生初談兵夜與諸子約試水戰羣銜枚竊拏湖漁舟百集龍王堂合散東西如約最後發號眾雷和時有客輕舟

眠月驚急出其囊伏舵板上壽先生揮之曰吾師行法不得犯一黍明日大喧南屏有暴客

丙子先生三十六歲

時黎公博庵爲溫烏程

仁體

所構被累先生寄書云古

道德之儒其發諸文章以自表見者其人必非隨聲逐跡安居美食已也類有歉然不得然之事天下以此難師師豈得辭屈曲困瘁且爲豎子談笑佐酒而千載不可磨滅常在于是是故君子每引以自安耳兩浙人士羣欲走闕白無他而或傳賜環卽日尙在懸懸師卽不以此爲榮遇而吾道舒塞卜以是矣未幾博庵罪釋歸里先生親抵南昌論及天道因賦詩

言別其一云天高不可聞中尙有心存晦塞當吾道
艱難幾及門避時機在默短髮夢誰論欲起東湖伴
清宵孺子魂

補娶側室蔣夫人

查昇祖鑑萱大師行略諱明萱字

之長沙母播氏師生而穎異及長莊簡懿惠年二十
字家敬修伊璜夫子闕春秋廿四便謁費隱容公求
出世法翁叔元鐵庵序夫人姓蔣字宜德名悟真著
有祖鑑悟真萱禪師明心錄二卷日記嗣余以偶書
被建內子蔣計從死幸事白得免食長齋法名本英
偶然錄作然鑑大師毫餘詩話作悟真錄俱訛又有
藥間偶詠案先生年七十六夫人方開六秩以
年月推之歸先生時當在孫夫人卒之前一年

丁丑先生三十七歲

時孫夫人以子殤過哀病卒

族譜徵異余殤子嗣助
幼頗穎慧十四五能日

構應制藝十首具草不須篝燈酣好陳大士之爲文
亦好古義竊喜爲詩句十七病疥且革神思不亂日

吾非此中人有僧迎我更得一清涼處矣還我故所
讀書于是抱卷而逝先是爲防聘吳氏女女少昉二
歲昉病劇時女忽見團火庭中按抱如卵卵中有似
人眼一起急呼家人共視之火不爲滅久之滾入地
而嗣昉棄 蔣夫人繼理家事仲方沈起始游先生之
余去矣 門起初登敲修堂先生與起敘賓主禮越夕先生爲
起發明質直而好義察言而觀色慮以下人之意起
始下拜稱弟子因命起與選政（外紀）沈子仲方初卽
嘗急人從之仲方呈書格願就筆札先生曰無十三
行書爲備者急引見曰子無言知子清白之遺不得
于其室激而無歸也仲方泣下曰先生何以知之曰
吾見子饑華而存其質羈絲履無跟也索袖得詩文
爲稱可仲方輒軒眉作爾汝語先生爲解質直好義
數語仲方輒拜願侍坐仲方左引匕不勝食先生曰
學貴勉強從此始以是輒陪 刪定子丑程墨戒成丁
遷政海內無不知仲方起者

丑房書戒成

外紀丁丑楊機部先生門多材移書先生願各得一語則先生選既而機部之門已居最盛機部益喜吾聞鈞玉子腕不可奪吾悔多馳前書

戊寅先生三十八歲

先生下帷南屏與同學開講席或技擊較射繼以絲竹有處子字雪兒年十四家西冷善歌舞稱絕願爲先生校書因留絳帳中外紀先生歌兒一部內字蝶粉者聲色兩妙性慧破口便絕倒時聞雪兒初見御螺粉熟視而笑問何以故蝶粉爲歌旋紗春風滿面之句婉麗入聽雪兒裏面羞坐帳中竟日後蝶粉流落都中先生壬辰入都楊猶龍先生謀爲合鏡不果又有陳姬名因字夙誰爲豫章吳令所贈工琴弈諸音事凡先生制作率手於是爲脫稿未幾死先生曰吾缺一書記能不傷心於是

有東山女樂季秋詩經同門稿選成

○先生妙解音律家畜女伶姬柔些尤擅場廣陵汪

蛟門製春風裊娜一闋以贈同里宗定九和之詞苑叢談

毛西河詩有獨有柔些頻顧影情人不欲近闌干河西

集孝廉夫人亦妙解音律親爲家奴拍板正其曲誤

以此查氏女樂遂爲浙中名部觚觚家僮侍婢解音律

者十餘人悉以些呼之南燭軒詩話案先生歌姬有十些

之日其見諸外紀者蝶粉有妹曰留些姿慧稍減其

姊然猶壓羣李太虛先生贈葉些年十五已登場杜

于皇作葉些歌以贈又澄些能歌牡丹亭流麗幽遙

珊些能作高調梅些亦婉入情又得紅些粵人也粵

人不可訓紅些傅粉談笑特佳莊史之禍柔些隨北

幾欲身殉其餘不及考又有家僮雲些三月些

已卯先生三十九歲

海昌諸君子稍稍有異同在邑則范文白名驥號默庵門人私

謚靖獻先生朱近修名一是號欠庵崇祿壬選觀社志國

初海昌文社最盛觀社十二子實主東南壇今無

能舉其姓名者矣因備錄之葛定遠辰嬰葛定象大

僕葛定辰愛三朱嘉徵岷左朱昇方庵朱一是近修

朱永康石盤范鑒文白袁殊丹六查詩繼二南梁次

辰天署張龍山則徐邈思沈聞大亦有曉社之選先

生自吳門歸欲平意見乃合諸公之文而歸于一名

旦社義海昌一社余乃預為一之一云何無二之

者天地人物之所以始諸子生未造口所以始之則

今日是書盛行所最切者歟曰無二尊無二說也己

而兩社之刻遂止十一月己卯墨戒成外紀附有擬

墨未成坊者

促行書先生案牘六大書諸公興會及此六字書法道古還益行

庚辰先生四十歲

春間

是年與沈聞大同車北上沈復雋

先生卷落詩二房房考則徐

勿齋先生

新

也勿齋得是卷甚異之首荐見厄于總

裁勿翁大爲惋惜先生初不知之山左孫枚先

廷得

雋勿齋語同門諸子曰本房多佳卷惜查伊璜見遺

耳諸君既遇視查如同門固我願也後枚先貴顯以

公事至西湖投刺敬修堂稱同年弟先生怪問之答

曰此勿齋先師之意嗣是先生知己之感不以遇不

遇爲重輕也

外紀時勿齋已殉難吳門矣先生作勿齋傳存此事以志知我

庚辰房

選又戒成序之發端曰物有大反知之乎立言與氣

運相關未幾而驗起亦有序列凡例之前其結語云

抑運使然此先生所以戒天下者因以自戒也先生

覽之憮然既而同游練川嘉定地名遇雲閒吳□□觀陽

羨周穎侯世臣同寓徐園時坐有校書小字阿采偶記

宛機警絕世頗放佚屢困吳雲閒吳窘甚余不平欲

辱之先生心知之前余宛轉密代爲之謝過采微會

意後又復故困吳曰犯酒政者跪聽考吳先犯行聽

考禮采問吳曰欲起乎吳曰願起采復曰起向何方

蓋借余之名與字相調也偶記作仲方事非吳雲閒余愛其機警

忘其放佚曰如此吾當爲保吳乃起余密語先生曰

采有目空一世之意某今愛之當善爲彼終身之先

生始微告采采驚喜向余下拜自是每事相左右余力勸先生納之采竟從先生歸龍山

附外紀庚辰罷禮部時感齊魯道上作流民歌又感興人事指黜時政有云丞相出師諸葛否將軍陷陣李陵無有所爲而發也偶記庚辰講席吳門王九純恪偕其弟就正九純先人王克重諱聖佐崇禎四年征叛苗殉國余曰忠臣後裔詩禮不煩駁正

辛巳先生四十一歲

聞黎師博庵游廣陵先生渡江往候踰月起會先生于廣陵與博庵同聚平山堂旣隨先生游海陵海陵守陳公澹仙方試士聘起入署中先生已還廣陵時

四方名流敘廣陵六十餘客先生與博庵爲中秋大會刻秋謙詩集起不及赴至重九博庵復有萸社之

舉起與焉及先生歸龍山而阿采已化爲異相矣偶記

沈起從余嘉定余方納姬宛宛係歌兒仲方爲力贊踰年方十七齡病卒仲方悲曰先生素以起寒宜僧

寒而清宜是有知議僧此遭旱蝗龍山南畝皆爲赤

地後缺比工尼一半熱棒矣遭旱蝗龍山南畝皆爲赤

地外志崇禎十四年六月大旱蝗民飢鬻子女四方

至止賓館常滿先生未嘗謝客孟冬三科又戒成三

科詩選成先生每歲有四方之役或以爲疑起見先

生出游必當事者敦請而後就是年漕臺吳震崆臣邦

延入公署值江北奇旱海陵守陳澹仙延先生于客館以麥折事就商先生密語于吳漕臺復致書于司

理湯惕庵

來賀揚州府志字佐平南豐人

澹仙隨親

懇之漕撫史公

可法字憲之號道鄰諡忠正

得允于是江北四郡

皆從麥折先生與有力焉

文集爲澹仙書海陵荒政前幅

補同宗詩選傳辛巳壬午間公上隅計十二條于浙

撫黃鳴駿一人口募二稽額三鄉保四固圍五號令

附賞罰六偵探七則古入拔殊九俯謀十器仗十一

形勢十二勤敏皆爲保固浙東西計切中當時情事

如論形勢謂宜宿兵長玉應接豫章勿應以彼此屬

分爾我再駐兵五百于獨松關以據險絕蕪湖陸走

入浙之徑至南都長江爲限一遞水道不必慮亦不

及慮浙東阻海南接閩而海寇山寇爲患不足慮劈

畫指顧皆非經生家言也

壬午先生四十二歲

一先生丁外艱哀毀骨立悉屏諸女伎獨處樸園樸倚園樓可三四百年物設法置柝樸上擊之門自開似蒼頭應門作樸應門傳樸旁有大榆榆樸交加處結

亭于上下板上幔常獨坐幔中

舌樸園記客至臨窗小坐爨下茗熟置園

匣浮水上施盆水一匙圍走至窗有竹隄之主客隨手挹茗茗竟啟隄空甌復返爨下諸飲食皆如是省童子攜送之勞壁作徑寸小門門設通氣其中直貫龔處客至所須不必傳示就壁門細語客尙不聞廚者大悉主人意須臾如意而至中設蒲團如轉斗法或欲靜坐一人轉便入秘室三門畜書地通穴仰出石罅非習走入不能出也至于窗格門式製無不曲變甫成先生歎曰吾不知爲何人效此區區從來勝地造物所忌會申酉之際先生坐其中手錄鈞業可五六十日便釋去避薊會稽歸而園蕪不可理尙存數

椽壁立耳而門有句云誰能顏吾廬詩集作巢繼作

原書上下二卷文集原書及門潘集爲之法乞言啟

序曰鈞史有感于時而務爲有用之學也凡天道人

事物故無不甚備主于化小人爲君子不主于闢小

人爲君子辟如陰陽會合而成道必丙賦維感有欲

近人情姑命酒不通時務尙論文之句先生嘗有句

皆我法情平始解讀人詩

癸未先生四十三歲

初漳浦黃公石齋周道得譴其後賜環先生各有詩二

章紀之有云以名存四海其道本先民又云擬作先

生傳何當聖主憐之句明詩綜黃道周字幼平一字

戊進士授編修以言事落職廷杖下詔獄遺戍（鈞業
黃先生得罪詩以慰之聖主終無怒其心不悔狂口
嬰傳諫草野史備行藏所（謫謫）嗟曾驗此身合不祥是
非干載在屏見待狂洋已先生竟無罪詩以勉之不知
何所見窮海欲公存帝欲（以死恩）歸來朝至尊至
難厯後涉兵食及時論一慰蒼生望歸來朝至尊至
是入閩石齋方講學江東墮崖折肱肱絡如虬得先
生詩強作書投答有曰讀尊詩令吾脇風舉擲萬仞
無害至于擬作先生傳之句石齋曰不知此生可復
煩君五指則幸矣隨和韻見答後石齋殉難先生果
爲之作傳（載國壽錄詩綜）福藩稱制進禮部尚書南
京既下猶督師出婺源師潰執繫不屈丙
戌二月死于市著有（大滌函書浩）然蘇旋游興化賓客日以百計酬應
繁或不卽答報有投匿名柬云先生海內人望不宜
先搢紳而落寒士翼日有客匍匐伏門外先生急持

之曰昨匿東康邵所上書也

偶記字召平
福建莆田人

夜讀先生

詩有陌路憐才如護子之句邵久在先生襁褓中愚
不足錄雖然幸賜教請爲弟子先生曰余無心賦詩
誠能動物有如是哉自是益以誠存之旨示諸學者
未幾漳浦令沈翁聞大迎先生度歲入署中

附偶記癸未余視沈聞大漳浦陳夏木

壯行

來見而以余閩

游諸倡和韻言盡付梓題曰閩游有韻之言余作詩
以謝

補癸未草傳奇梅花識入鄭所南心史一節及稗氏
中山狂人自到事又以翠爲美人陪和靖林先生方
七月草成忽庭梅花開西南枝或曰筆墨感無知矣

先生曰非時不祥既攜書入閩見興化鄭郊爲所南
後裔尙未知井史事遂存副本（外紀）又牛劇爲書生
吳果應此議

大清順治元年甲申先生四十四歲

漳浦多寇警先生以戎服同令侯巡城者彌月發矢
中盜首經春寇退始解嚴將北歸石齋貽書云賊滿
山行道絕姑待之石翁廬城外二里許先見賊數過
其門不敢入先生因答書云先生惠余詩在賊當聞
而去賊畏見先生必不幸見某方車嶺詩傳語彼皆
猶未化囊中帶有石
齋既行沈聞大發機兵二十名耿嚴文選叔沈聞大
詩鄭芝龍遣神將持檄徵餉
馮絕之大吏飛章劾罷及門胡紫柏名仁以家丁

十八來助乃謝眾曰若遇賊過五百眾則吾壁立無聲待其先鋒至五步外視的共擊之卽進前不踰十步若百人以外可以戰然必乘高或吾處卑寧如前法蓋賊之先驅者乃賊也餘皆農夫不知共力□□再三促行離縣一舍名方車嶺嶺以路狹得名命整而行遠見賊吾乘高伺之賊不知兵仰高來從過五步先生猝取勢奮一槩傷其股機兵連發弩賊反走吾大聲礮之羣賊不敢前其後漸退遂率眾乘其怯連傷數賊賊盡走一先鋒賊恃勇迴鬪我眾環而擒之令眾高呼數聲聲震二十里又輿從二十人合五十聲爲一聲故聞聲遠以寒賊之膽虞其尾而求復

也抵漳州其先鋒姓黃名儻戮于市以首級歸漳浦

示眾

方車嶺詩自序乃抵漳浦鄭標來迎以爲神人吾五六千禦賊不得一賊坐觀賊去豈有被縛

者哉于是鄭師蒲請坐我上座更爲衛我泉州道此先生小試兵法之一端

其後有事小暨及尖山詳武功于此可見抵家值三

月十九日之變龍山有市閭狡健起浙東宋某與狡

首李某吳某爲亂欲辱先生弟誤擊先生幾斃邑侯

林公子野奎親臨龍山寘李于法吳懼蒲伏乞命先

生曰汝走氣急試其不靜非欲殺我諸狡始遁散耿

文選林奎字子野號恥齋侯官人崇禎十六年進士授海寧令甫一月燕京信至金陵未立邑鎮有大家

奴乘閒煽諸毒怨於大家者揭竿起而已陰陽搆兵其閒通邑震恐狀聞奎將狀不問且日皆鄉約所搆

約密於稠人中縛奴數其罪立殺杖下餘悉不問合邑安堵紹更記聞家簡可公諱全臨游崇教寺遇李

三刀橫目遮路此之時李潛謀揭竿煽亂公密詣大尹林子野告諸不法事翼日令隔寺講解約密相和
人中擒獲
立斃杖下

國外志東鄉盜起初孝廉查繼佐等渡江任兵部主事令弟繼□等牒鬻武爵人人繫銜自三月初行劫云助餉江南馮騏澄齋偶錄崇禎之季有蘇某爲參將俗號東坡林某爲總兵諱號朝奉時奉南京密牒假名徵餉橫行剽掠凡里中富室遣游騎偵視劫其要人繫之寺前樹下胷垂一牌書贖銀若干旬日之間得金數萬

按甲申魯藩未立先生尙未渡江授職豈有令弟鬻爵事外志失於考覈當時家剽戶掠溫室盡罄先生

弟受其摧辱在所不免林侯臨鎮實爲李三刀一人
吳某宋某或因蘇林二賊傳聞互詞耳

乙酉先生四十五歲

五月南都大去其國

三藩紀事本末福王名崧神宗孫福王子甲申四月監國十五

日僭即位稱明年弘光元年乙酉六月杭城北款先

五月十八日大兵渡江王奔蕪湖在縣東八月生子勛字韋一號

生偕夫人蔣氏避亂廟灣在縣東八十里

蔣庵副室方十日棄不返願薶所著書于坎外紀鈞業十二

卷係甲申閏歸手書會避難江東以石匣錮薶地既

而盜述先生故居索地意他物發之及先生薶購得

十之六竟渡江去時越中鄭義興字履公奉魯藩起江

後上授義興將軍已奉魯起事江上魯春秋乙酉八

紹興王名以明太祖第十子荒王植先生領職方節

十傳爲王以明年爲監國魯元年

制小璽宋狡亦歸越來謝罪請死即令之去曰茲豈

不忘宋時既率眾抵大尖山告捷注見後義聲大振諸

鎮倚以為重時沈起已薙髮于東禪寺學園集江西建昌松溪山

資聖寺天水和尚歲甲申三月應檀越者請始住東禪寺明年沈起始從師薙髮為弟子魯春秋沈起乙

酉棄諸生為僧東禪寺法名銘浙東任事者猶持東起改字墨庵亦有似乎晦之義

林門戶先生作書以告諸君子都不省因自號不省或

稱省翁復擬姚善致鄭公智書其注云建文四年蘇

州守姚善建文書法擬姚善字克一安陸人初姓李後復姓洪武三十年擢蘇州府建文元年

至京師畫策防禦文皇即位為知義兵不可戰謂當麾下縛之上詰責不遷死之

以智用之前敗事諸公率不聽以是潛海上自理鄭

公智時為御史遜國志鄭公智字叔貞台寧海人方孝孺薦之蜀獻王建文初為監察御

史靖難初坐視師南浙欲倚善爲重遣使招之善致方黨論死

書云云書存後甲集中

○偶記余乙酉在越于戎馬之日周九逸驥周旋久

時余不自意其生以故余少壯閱歷啟處性情議論以至述古懷舊怡興放足嬉笑怒罵無不留心記憶最悉

丙戌先生四十六歲

在越得會稽高朗初及門以文爲贅題爲事君能致其身取武侯鞠躬盡瘁死而後已兩語爲題破同學竊笑之先生曰毋然此言其志也春小疊告捷魯春軍左尹以兵救緒山大捷追奔數十里多斬獲緒山爲小疊對渡義興兵越江南而守破殘左尹曰不守

赫山是崑敵門庭也親往
督陣副將朱之彪先登
六月上旬江上內變魯航

海魯春秋監國奔台州次
富平將軍張名振石浦
高朗具公服詣浦江自沉

以見志高朗字克揚會稽諸生及監國渡海克揚詣
蔡林廟誓神圖後起父岱字白浦力止之走

浦江投水死父亦十餘日不食死岱登北榜賢書坐
借籍見革監國授兵部職方主事見東山國語外紀

中先生慟哭之拜于江口潛走小江有吳允仲者素

未謀面募竹筏來迎入湯湖爲治半畝之宮數日一

遺粟乃手成竹亭茅覆之取泉中圓石甃地如鱗日

哦其中此地一望修篁泉流曲折至湖而煖飲之可

治寒疾外志隨湯湖時擬作史論論必得解不襲前
人語每史冠以史律律不得意出入如傳

次第之方竟史記及兩
漢共三史便歸東山
除夕年家子董克千良遠遺

豕肉有謝詩云珍重私遺除夜肉至今餘煖在滄浪

丁亥先生四十七歲

初夏先生將歸東山以詩別吳允仲及履伯草長花

飛盡可傷百年心事重他鄉主人此夜難爲客一樣

江流分外長

外紀道有寄居詩十二章既至東山遠寄允仲詩題絹上令夫人手鍼刺之極

精緻有云與子相期三百日臨行猶未曉東山既歸盡失故業僅存數十畝

分割以造同氣曰弟不能復爲同文矣手自塗其垣

壁日親圃事以給朝夕不以爲苦借書讀空楹無壁

處風翻書葉如輪聞鄭義興畢命于海飲泣爲之作

傳

魯春秋建國公鄭新與遵謙有隙使其將楊廣故與遵謙善誘入中流進酒爲壽遵謙手一飲盡大

呼二祖列宗長肅拱手自沈監國輟朝五日贈太保諡武愍

是年次子昌生

字天迪號

岐山側室

金氏生

附外紀丁玉璩緣一劇爲養生而作也嘗語人老少無成相男女無成形從變處求不變造物所以長存也

戊子先生四十八歲

丁內艱哀毀之中親力作以襄大事當讀禮之餘修輯查氏家譜若干卷

今名敬修譜有飭祠儀統祠事宜振義入條廣義入條家譜書

法諸條議

己丑先生四十九歲

先生以他事爲姦凶所誣

偶記己丑余爲彼婦所口嘗聽花陰亭與章子淇上

俞子次寅賦詩以志感如覆載寧吾窄飢臬司檄郡

寒孰與深遇同年楊仲逸之子楊汪度守張公石觀熊聽是獄未及旬日詞林楊公猶龍望

直隸鉅鹿人順治丙戌忽馳手書自燕京達郡守曰

吾聞浙有伊璜子好古內修賦性闊達近法網密或

累于他故公必善視之蓋猶龍亦聞聲相思未謀面

特懸為不然之慮也郡侯得書力為振拔事得白隨

割俸治廬雲居

外紀雲居講堂故茅鹿門先生評史記處也先生大書存誠二字顏堂上

係以十必十勿十必者必於是一不必不是也十勿者勿於是一不勿不是也南生魯先生復為圖二字

日中具薪水一瓶一棗皆其所給白石觀而外邑令

張公玉甲

能

張公樵明

及參藩南公生魯

洙

樵關

陸公石齋

督學李公庚生

際或滿其誣或厚其饒

期或滿其誣或厚其饒

嗣有周公元亮

亮工祥符人崇禎庚辰進士國朝官福建按察使

道經吾浙

知先生受誣徧白其爭至與當事指水為盟顧未嘗向

先生一通名其授契與猶龍略同先生各有詩以志感

庚寅先生五十歲

著知是編十二卷外紀先生以爲乾坤不可無正氣所以翼命所以勵節有詩曰使氣諸公金與石是也藝文志作如是錄訛以存諸死自流氛始而魏案不與甲申以後頗多其人書法據事直陳凡薄游必載筆以從或宴會紛錯先生不能飲眾方滿浮白則獨引敗楮繕几案踰日濡大墨錯綜之

辛卯先生五十一歲

郡侯石觀延先生入署閱閩觀風及科錄試牘拔置第一者本年列賢書七人副榜又二人初主者頗疑

閱文曲徇同學至是益信玉甲張公亦延先生縣署
閱季試卷拔奇士前列先生長子勛方七齡負夙慧
玉甲奇之許字以女兩張公眞先生知己也是春第
三子昇生字漢中號白醉側室沈氏生

補敬修堂說外刊成案敬修堂說外卽罪惟錄啟運

熊石觀鉅鹿楊思聖猶龍社盟弟董□無殊三序并
釣史引上卷宋韓林兒傳郭潞陽王子與傳方國珍
傳天完徐壽輝傳下卷漢陳友諒傳吳張士誠傳元
陳友定傳附伯顏子中元擴廓帖木兒傳蔡士英傳
秦從龍傳附葉兒周良
卿靜誠先生陳遇傳

壬辰先生五十二歲

是春有故入燕往返賦七言律八十首名遠道篇日記

王辰浙右藩徐署篆以原任兵部職方司郎中銜達
部遂同從子嗣籌字魯生及同門董子期生字伯音

入都部判存銜余有遠道之作以志甲申後三千餘里風景初就道及歸途統之以序因節序語爲題敬修堂創格共七言自燕歸開講雲居陸樞關爲具講近體七十五首

案五百張郡侯具堂中供億兩邑侯協贊之三百里

內多咸集郡侯復建覺覺堂於西湖廣化寺之東外紀

覺覺堂初成先生爲設歷代道學諸公神主以爲許衡非元末范楊虞揭比書名識處之言存其意而已

未得與主因謂劉因金堂成延請講席於其中手訂

履祥許謙等出處良是

通鑑嚴行世而列史云通鑑之文愈衰采成編自經而子

縱橫之得四十萬字可以無所不備嚴非吾所安也

孫廷銓南征紀略通鑑嚴事繁詞簡蓋準諸理文字

稍有增損卽意能生動理氣不傷藝文志通鑑嚴入

卷每卷前題云古石邑張奇熊石觀父鑒裁海昌查

繼佐伊璜點次西陵祝選日湘潭父較訂外附璜日

生五判共三十二條無自序冠伊馬史論兩卷案是

璜先生附五代於唐論一篇於首

卽隱湯湖時所著至是方卒業

癸巳先生五十三歲

講學西湖同學手輯書解名曰四書講錄外紀先生所作制藝

已無藏本顧久忘之有陸子文果手錄成帙值壇坫互興各爲聲氣獨講

堂中不作彼此曰求吾自勝不求勝人同宗詩選公

嘗言先代諸公必設道學面目是以貌教也始之以理而仍之以氣氣盛勢稍貳於理而禍隨之矣吾不

設此貌只求自得著同學約百餘人而分任講堂事

者爲沈昭奕徐蘭皋楊千波汪王禹則貢來我

平時美丁抑之揚克沈公亮仲寅許道潤日琰徐人五倫諸子

時起掛單東善寺不及與講云

甲午先生五十四歲

是年石觀張公辭任卽黃泥潭爲敬修堂以勤修講

會故

黃泥潭在杭之鐵冶嶺因鐵崖得名外紀同堂沈宣子爲題柱云閉門草史設帳談經復月一

升座開亦請雲開故處

癸巳以後謝遠游性喜振人或窮途無

告卽不贍必曲計之否亦勉爲大書數十紙相贈

南燭

軒詩話先伯曾祖伊黃公書法繪事並入神品人爭寶貴之有雲些月些二僮能記誦公詩所至緣素堆

積人皆乞書其己作命二僮誦而書之人呼爲活錦囊外紀先生無全記唐人詩一首偶客中索書便而

急甚苦自是令童子一明者盡哦素所著有韻之言得書曰吾賴攜腹以行隨口信筆兩無留滯號爲活

錦曰藉此或幸以給旦夕至於無妄註誤不惜齒牙

卻不令彼知曰吾未獲見嚴絮庵矩楊猶龍周元亮

三公顏色迺荷扶持深至吾身更多不報矣此及人

幾何其貧而才者不克自振尤心憐之曲加延譽往

往成名

乙未先生五十五歲

講學敬修堂始著罪惟錄歷二十年始成（日記）楊子

奉分局修明史屬為集草贊成全史舊集諸家之言

知史概尚未刻草四十本為湖河朱相國楨遺筆

國楨才弱而考核最詳稱信史此草已質於同里貢

生莊鑑家鑑有紀略之志使人繕謄兩月竟而還其

質又質於沈蒼口蒼口寶之原本不可得也問之莊

氏忌不與校余素不一至南潯偶籙弟廷鉞在茗凍

脯余門曰家兄意獨為之不欲分人且先

生不須此余遂有明史之役改曰罪惟錄

補兄毅齋卒（戊戌）十六章自注哭家兄毅齋而作也

之五月棄人事余欲追存數語每

腸裂闕筆意且寒之遇能終篇

丙申先生五十六歲

講學敬修堂（查浦輯聞）先生晚年講學論道自署敬

修堂云學不厭誨不倦何有於我誦其

詩讀其書私淑諸人南蜀軒詩話公顏其居曰敬修
白題檻帖曰此身合置三千座斯道何嘗五百年非
虛語也外紀講學有二題曰益曷曰益智益曷云何
大略謂人不能百年即無疾病寢食閒之好日月幾
何益智云何大略謂智由神生神可引而長也偶記
顏子炳如嘗談敬修大指喟然曰從活潑二字求道
東山第一眼諸子規之尙堂下也

丁酉先生五十七歲

先生成書最富獨南徽多異聞未及詳是春南游過

江右謁黎博庵師有南昌呈博庵師詩存集中交范香谷兆芝外

晤於江上同入粵約同歸爲明史一助戊戌及四明
病歿先生歎曰吾史無運空勞香谷一諾

門人周驥逸偕度嶺兩廣督撫李公瑞吾鳳樓聞先生

將至會城遣其屬郊迎入署中商撫綏事將東山詩

文散帙悉采錄無遺偶記丁酉偕九逸入東粵九逸
書寄余句有南州關里三千里

江左夷吾二十年三山楚雪庵三復有口語九逸室
題人遠古詩志之矣偶記余游東粵得交黎子琬居
琬居以羊城再破無家止攜其從孫端鵠跼蹐蕭下
形影互弔無可與語丁酉得見余客囊所載散帙零
句及入粵題識酬應合數萬言呼竭鵠兩腕十指促
磨連日夜指骨幾折目爲之赤不能開闔且別復作
連口之歌投贈過豐先生盡散於窮途流寓之客過
送余江上
雷峰晤澹歸大師卽同學金道隱也魯春秋金堡字
人崇禎庚辰進士守臨清罷歸唐起入閩以給事中
監軍江上與左尹奔別閩敗桂用以原官爭孫可望
不宜封王坐口舌戍爲僧依粵之雷峰寺天然初先
座側釋字澹歸明詩綜字衛公著獨行堂集
生有事小疊道隱以公務來自閩中奔罷而別各賦
弈罷詩羊城步答金子道隱荒江對弈局初開自此
尊看閒將隻手空宜杖有了圓光何處冠卻向嶺南
重訪舊西樵山外月猶寒金原作云秋到珠江客思
關小疊殘話又更端井中史莫丹心在局外人休刮
日看東海近時猶木石南陽往日竟衣冠知君十載

悲涼處雨入時廣南方岳巖絮庵欲晤澹歸不可得
荒鴉夢亦寒密訪於先生先生唯唯俟澹歸過我廬以事款之公
徐徐來無不可者翼日澹歸至先生請弈方半局而

絮庵踵門澹歸覺踰垣避去賦半弈詩索和詩集作己亥之

人日澹歸原作不得見先生和別半弈之句云由他
棋局竟未竟與君仍是局中人飄零故袖空存骨
頓名山待作鄰人日有詩春倍暖雷峰無傷唱能新
江頭放權不言別眼底聲聞總是塵其二云莫道局
殘著不到請看局外有何人憐余湖畔真蓬梗向汝
天涯果比鄰雪裏梅開去路涉春添鳥語破人新兩
年俱和誰無敵五先生歎曰前後兩和隔越十二年
指都無一粒塵

只幾往復嗟莫問黑白也度歲會城後先生自粵歸
令起繼和茗中有韓子遺者見是詩曰半弈甚佳猶
有人之見者存若弈罷罷弈則天道在其中人道亦

在其中矣起慷慨有感卽賦弈罷罷弈詩先生屬便
羽遙寄粵之雷峰起二詩見東山外記中

圖結茆硤川東山萬石窩

潘廷璋硤川志沈山之陰有萬石窩查伊璜結茆於

此間秀徐瑩過翠軒集石窩小隱續硤石十二景案之一鑿雪亭雜藝時潘公梅巖以詩餘四章贈之

歸隱萬石窩年譜外記失載惟和金道隱詩自注云
擬分硤川萬石窩駐蹕歸之錫究年月莫得而詳或
云自粵東歸後避亂硤石聞萬石窩晚寓杭之鐵冶
嶺不復還家周春編恐未必然附此以俟博古詳考
偶記吳日永康縣丁酉遇之羊城歸

戊戌先生五十八歲

初忠烈公張芷園

家玉明詩綜張家玉字立子東莞人崇禎癸未進士改庶吉士有遙

夜軍中遺稿抗節南海間有繁疑是春晤尹右民及張璩

子家珍明詩經張家珍字璩子東紀其實先生喜曰

吾前傳庶不誣也和別璩子詩云不是逢迎淺從來

列史千年影高原斜日心復遇周旭公於珠江悉陝

蜀申西閒事口之所述恰如成書先生曰此可爲不

負傳聞暨入潮先生族弟令東筦先就之潮鎮吳葛

如六奇欽定貳臣傳吳六奇廣東豐陽人順治十一

以爲字廣東海陽人州志原籍海寧訛隨遣役迎

先生於軍吳與督撫李皆非舊識而傾倒一如故交

吳令二子啟晉啟豐貳臣傳作啟豐弟啟晉偶記已

幣邀余至軍時令長君啟晉字長源晉弟啟豐字文

源皆侍余座晉已登丁酉賢書工詩嗣余有詩可之

選選入葛如詩負笈從游晉登賢書其後豐以蔭移鎮

滇南貳臣傳啟爵在瓊馳書來迎先生辭之在粵中

執贄者以百數常心念順德之初助季庸偶記余辭

有句云越王臺上正秋曠走馬南天逐雁羣梅嶺關

邊行曉日禺陽峽裏載朝雲中原世事隨流水夫子

文章自冠軍此日觀風應自得龍門片席許誰分蓋

著有聞修堂稿余攜二些有詩可之選故末句云蓋

隱居而高蹈者也熟於滇緬諸狀及晉國李定戮力

致命事三國議略晉王李定國張獻忠忠養子獨拔身

嗚呼天以明其志以資行笈之所未備

潮州提督蓋晉逸去後卽從軍効力積功謀任至此

知公至粵遣使齎帛書爲請公赴之晉郊迎百里外

其崇奉之禮不異於吳夫吳陸微時皆託迹下流公獨能知其異推之識皋亭公於困厄中其神鑒豈皮相之士所能及乎吳騫拜經樓集自注查孝廉識吳詩有不羨林宗知孟敏還同太白識汾陽案陸晉事而訛傳及吳先生已爲之力辨

己亥先生五十九歲

刻廿字五百首於潮

自序余有句未半千篇廿字詩誠欲十百首而不得也初願之

不克遂如此又云嗟

余生之缺然者何多復刻東山

外紀兩卷

周驥劉振麟輯周序云行關德誼運係興

故以辟邪說以扶正氣論事必審乎機著書必求其

例無小非鉅卽用是體情深不至於傷墳立而無其

貌飛躍見化沈湛自全微辭淺笑盡屬天是春與真

機蠱服亂頭每關至要又有高駁恆之跋

是春與真

社諸子倡和錄別詩一卷初夏負粵中奇石五

外紀先生

雅好石至東筦資福寺故有供佛石先生作偈投佛
竟攜之去高子公有爲具夫昇石以從旣入潮張穆
之贈以所畫馬陪一石可供而陳慎旃先生贈一石
可袖咸玲瓏及門周必勃復上一石小於佛石而溫
子靜甫擬以石爲度嶺以歸過南安司理孫曉頗溶
璧頗大於佛石

候於舟次請爲弟子雖會過日淺而密契最深以秋

蘭二盞贈別復得劉園第一石

外紀顧劉氏園廢遺石四五江申先生作

得達書託人致之書不日飯石下夜與臥處舟中賦

詩有停舟疑下榻載石未名山之句滯西江候黎公

博庵呈詩曰小著須宏鑒餘生可故山至孟冬抵家

所攜石大者一高丈許峰巒秀出立樸園中

按此疑卽今之

縞雲石非吳將軍所贈明矣周春縞雲石記此石粵
東送至袁花置先生故居沈墳山麓因觀察王望遷
鹽移居百可園園爲鄭端簡別業售於載四石於會
觀察遺陞尙存不知何時又售顧氏

城列敬修堂之庭下又尹右氏所贈一小石奇秀常

置几榻閒當命筆必對石吟哦以爲常

詩集石氏惠我一石長四

五尺瘦折如樹枝謝之以詩云君子特心許割愛以爲壽云匪旦夕意庭中畜此久以石亦以心有兩不

可冬杪同學褚硯耘廷偕起訪先生於樸園硯翁見

奇石巍然獨立笑語先生曰此君萬里相從伊老當

兄事之不得比於狎客先生曰吾向以此君爲師故

高置一座起曰客傳吾師粵囊贏萬金盡緩急人今

見奇石知愛金不勝愛石先生曰設攜此重囊浮舟

六七千里中流暴客至攫以去創膚幸不至死及歸

里賀者曰何福而獲無恙然則余免此一悸日與長

者相對所得更饒矣起舉酒酬石曰勞長者枉駕是

春長子助游庠

外紀助縣試誤書最因仍之

庚子先生六十歲

寒食後先生挈家僑寓毘陵秋杪復歸敬修堂時潯之史案未發先生知天自粵還晤語所知有大警者至變或伸楮振腕作爲詩文方在滿志忽心動投筆起置密室或字畫且未足不能待置之急操筆曰常警仄者之象驚問故先生曰吾猶人負虛聲奔走滿世凡座對知姓氏無不鞠躬另上顏色此等踰分造物最忌況此日恰又喪行有徵至明年文星果入貫索冬月莊史事獄發於潯中

湖州府地名

辛丑先生六十一歲

春豫章王公于一

名猷定號軫石江西南昌人選貢生有四照堂集

捐館西

湖先生偕同人爲治喪陸麗京

浙字景宣錢塘人

告先生曰

南潯

湖州地名

有莊廷鑑者

字子相湖州人貢生

作明史紀略

明史紀略

爲九千幾百餘葉有紀傳無太子諸王傳體

又以官分列朝後論皆出廷鑑開其父一與參閱姓

氏首列東山次范子文白

驥

次及某共十八人

日記

一作序者李霜回

令也

日記李霜回年老家居年近八十法官欲以老追之籍其

家猶留半部書案上書

序署令哲名遂不免先生殊駭所謂大警者定以

此矣擬牒當事從刀筆家稱此書不工先生曰吾三

人不工此書是仇莊非善因投牒督學手著四六體

中一聯倘或犯於所忌闕有非所宜言並入范陸名

於牒范陸不知也率以此一聯生三家三百餘口

日記

曩居海寧治遠莫致其弟文清合詞簡舉問之杭嚴
熊光裕字雪庵時署按察事不得報是月之五日余
自作牒四六體投督學胡尚衡亦不得報余手啟胡
語陟鼎革而衡文不知之于他日門戶之憂當與共
之勿謂此日不言故警始以原牒行湖府學官爲
趙君宋溫州人頗有深望時廷鑑已卒父七十餘歲
矣自言此書無不敬可上聞卽奈何漁獵君宋毒之
詳於府道莊不得已行千金壽知府陳某而亦輸君
宋四百餘板湖府庫爲已其事督
學指存板湖府庫爲已其事督

康熙元年壬寅先生六十二歲

時舊烏程令吳之榮與莊氏爲仇訐奏僞史於朝詞

連先生

陸莘績任老父雲游始末有吳之榮者取貨

甚遂抱書擊登聞鼓以進日記有吳之榮者舊旗書
爲烏程令賄敗擬大辟又細興王石公者以諸生工
造款繼事敗亦坐辟會恩赦兩得脫石公授指於吳
使典貸湖鄉紳莊老勉上百金受之而銜莊毒爲摘
紀略中四事稱送蹟所謂送蹟皆
石公添注句旁爲錄構非沐文也
是冬錢唐令慕公

顏大奉督臺趙公命日記察院以手版晨至敬修室求

見云署中有願見顏色者某爲介紹先生曰邑令而

晨來其爲某乎某候此久矣不入室果以莊史見收

二十日將繫內勘誠子助曰吾行而故不知同參閱

姓氏十八人也卽偶聞萬勿露彼自有命毋命出汝

口使天下曰東山有子殺人日記吾浙部撫求同參

問余兒助部趙憐幼子且弱誠左右試刑名耳

日毒及夫人共督出十八人助以余初誠死不承命

刑甫及膚兒高呼趙翻誠用刑者論府丁律臨行助

逆十五以上無坐者助卒自陳十五以內 呼號大慟先生正色曰卽以爲不祥乎使吾偃息在

牀死兒女子手豈若普天下窮鄉僻溼稍識大義者

咸爲我跌足歎息勝汝匍匐走乞鉅公題墓石速去

毋亂人意衝凍入燕

（日記）十二月三日

相傳有于滿人側預

爲先生白冤者以是對簿時有筆帖式下階問安曰
伊璜公瘡愈乎先生猝不知其意但唯唯復曰此案
口供已書不知情公其誌之故讞鞫甚嚴獨不受刑
及在禁復有人來傳語曰公三十年所失稿有人珍
藏無恙也竟不言何人所遣及再訊筆帖式仍如前
致殷勤曰原口供幸勿忘先生益不解思久之憶三
十年詩稿爲乞兒陸晉所取抑其人亡命後籍滿洲
而貴復居要者乎長安人皆哄傳先生曲護得全而
四方訛傳吳潮陽葛非也案此可證香祖筆禁刑部
記如非也記風廣諸書之誤

火房二十餘日蟻生百萬先生苦之乃解衣坐鞫而

正蟣罪曰爾細而恃眾爲勇乎而安而長子孫旣寢處之男女之復飲食之乎而飲而嬉樂趨無狎邪不到橫行五體乎而裸而無禮聚族無好醜長幼習人習無罪之人乎而乘危利災官縛而羣私讞乎而矯法聽未成先蠶食之禍乎彼有口譖之而有口噉人律有加等數倍如是者乎而忘所自生是誰長養至此而遽內叛鼓眾銜枚潛走快反噬之能乎彼蠅蚋張膽肆虐不成鳴鼓之攻而逋亡反側閃爍鬼域無不徧剝膚之慘乎吾秦法最烈焚阬在前愾不知懼乎卽否捫汝而談當世之務而顧何以自全乎而譖有跳梁之羣捷足超距可以遠竄而非其嫡派顧棄

明投暗皇皇有北之趨卒何能逃罪乎其服炮烙之
刑不赦此係獄中口誅後事白乃書之外紀中時族
弟王望官部郎爲先生製衣裘供朝夕及獄中費用
幾千金其後盡償之先生常爲之志感起於是春赴
江右居南城之松谿山越明年夏始知先生波累及
歸先生已釋獄

案莊史波及因先生合詞簡舉留案得釋所著得紫

日記述之甚詳初就獄臬法若真

字黃石

索弁詔司李

紀元

字子湘

寒溫獄中三四府丁咸池願傾家爲之贖

仁和令張玉甲割囊留贈及北逮楊干波匿其詩稿
王望爲辦朝夕上至督撫部院無不用旋營護云筆

帖式意陸晉所使不過譜中揣度日記中並無明文
因陸晉誤及吳將軍吳貧時亦曾乞食故也王鉅諸
君承襲其訛載之筆記遂令後人信以爲眞是不可
以不辨

癸卯先生六十三歲

溥案波累者以千數不能盡拘而北遂移獄還浙訊
在繫咸不赦惟先生與范陸同釋（日記范陸係余膝
連名部撫慮內勘
必反亦起解入都而部對無名且原案已南發范陸
亦南返（適然歌遂巡諸公果自焚湖頭微倖存三君
坐事幾二百日作適然歌以紀之闕曰適然風雨天
之數言無意遽得不是張皇爲一大事也初眷屬內
外皆錮於公署其後卽禁錮於家中先生既歸始對

家人一涕當患難急迫獨灑脫如平時蓋得於內者
素也絳誤既白燕邸諸公盡力爲之保護者魏未報
謝卽命駕北行至東昌交鄧元固□□走范縣縣長施
匪義客之賦詩言別曰古句散括神倍拾故人殊少
夢猶存時俞子去文□□捧句而哭凡先生被誣始末
知之最詳因贈以詩曰涼涼近狀佯知己笑眼相誇
未古人寧國廖祖命曰未古人其今人乎先生曰爲
今人將以存古人耳入都徧謝諸公皆以詩紀事還
登泰山賦詩曰山水難恆勝吾慧日以益大率經再
往前後有殊迹所以遇名山未遂登高屐吾生慕東
岱憑眺已疇昔其時但意舉襟幅面咫尺已而歷諸

勝俄覺神光集心開夢亦迴智不在拳石自惟摩秦
碑不知文何格況復筋力衰歲月已駒隙當此莫大
觀豈肯輕一擲今年苦旱乾好雨溼山脊肩輿裊層
雲諸峰墮空白忽然天氣朗曠覽清虛宅徂來與新
甫眼底亘一畫諸松豈初封古碣亦幾戾瘞玉不知
處吳觀但往冊至此意恟恍種種費尋繹轉足欲空
飛天風生兩腋倏忽雲上升彌漫蔽前席相對審人
聲翻似重巒隔昔賢諸題詠一概經廢革只有摩崖
存光芒逗精液其餘僅百年存者增愛惜可知形最
高風雨勢更劇崩剝不可數萬古見開闢東海敞高
奇纖巧非所摘吾生憂患餘快此淩風翻至歲暮乃

歸

附蓮夢居筆記東山先生書法能運左右腕寒暑朝
無筆墨一時中指承管處繭積常至四五分月每三
齧之笑曰不可吾指上又枝矣初學魯公後負縈苦
手閒遂以意追摹右軍書法閉目伸二指轉折令得
勢歎曰古無有不習於勢而以書傳者衛者不察大
異之以爲道家指訣詛人及脫衛始細印右軍諸搨
捷得之蔣虎臣見曰吾今而不釋於東山腕下矣
此記最詳余錄之

甲辰先生六十四歲

游新安程子非二〇〇迎先生館於別業以詩投贈曰

苦心自繞三長上奇骨偏逃萬死中土室我能知足

蹟幾時有夢到南宮通詩集和原韻天門有路與雲

尋薛壁纔醒短夢慙松風襟披光景千峰外手敲先

珠璣萬壑中自問百年能俎豆陪君延紫陽宮先生曰是真知我非二有姪芳泚游於先生之門

圃客淮中秋前一日讌集曲江樓見詩集

乙巳先生六十五歲

始杜門手輯前稿名先甲集近稿名後甲集同宗詩選以甲

申分著魯春秋上下兩卷外紀作魯之春秋沈起魯春秋序歲在己酉起從侍

敬修堂屬起校葺是書參書外之偏旁點畫以存正

韻稽驗歲差置閏之外合以遵正朔謹考人物之名

里以志職官博采當時之詩歌文傳以正人心至於

筆削是非出於作者之獨鑒不贊一辭此又春秋今

昔之所同不敢或異者也自序云皆知宣尼以其春秋存魯

實存周曰吾周禮在魯至漢興猶後服爲是春秋之
所維繫大矣自秦焚阮之後伏生以長年所口授尙
書周平王而下卽載伯禽誓師之詞則明以魯繼周
爲是魯之所維繫春秋大矣顧伏生之口不及春秋
而迨魯恭王時仍出之孔壁則魯實又存春秋諸國
莫能及也存唐者魯也與延平共事而姓猶存存桂
者魯也有閩部煌言之底節而麻猶存嗟乎魯春
紀秋豈魯之春秋已哉孟子曰春秋天子之事也

僧自非滇南始末自非號普靜原名鄧凱係籍吉安

三藩紀事本末鄧凱從王於緬其紀事原序則玄默

王既死入昆陽普照寺爲僧攝提格天中節之後六日云又范渙供一卷范渙在

東海中其敘曰余擬作東海爰書爲張玄著作也春

秋注張煌言字玄著鄧縣崇禎壬午舉人乙酉從諸

臣扶義師魯王監國紹興賜進士爲庶吉士授兵部

尙書後明州及諸島俱敗結茆隱於臨門之范渙甲

辰秋七月被執殉難(軼)張玄著先生起自海中部

落解散竄身蕭寺杭守臣覘得之與愛僕楊貫玉羅

自牧同被執就逮之日公烏巾葛衣不言不食者數

日臨刑二卒以竹輿昇至江口先生從輿中出見青
山夾岸始一言曰好山色因索筆硯作絕命詞付行
刑者自牧與貫玉俱從死竟謂其罪無可逃斷當播
焉殉難錄國朝賜諡忠烈
告天下萬世爰題六律律已不赦三宥勿及矣一律
曰海若真無賴姑容荒遽兒箕狂作客後連蹈帝秦
時浪拍窮微動風哀一作水族疑長才無不可竟爾
畔時宜二律曰望歎汪洋在鯨人故不平生魂依屈
子死黨結田橫蓬鬢看天夢一作冒險癡心待鼎烹
匹夫不解事溝壑欲成名三律曰虞兮久不臘天祐
尙一作存年孤竹原無粟蓬萊不見仙爲貪一是字
錯讀六韜篇此事何能一作此沒由他百世傳四律
曰掉頭六合外痼疾一身中潮弩終無力蜃樓久自

空氣曾凌

一作

北固天不與東風未審王磐句終成

一作

雍齒功五律曰求藥三山去俄揮落日戈人雖

工擊楫海意不揚波顛覆追厓島從容共汨羅黃冠

如一作

可託其奈古人何六律曰自負潢池大空饒

一作

雨露寬天南誰起霸波底欲偏安敢附睢陽譜

私題武穆看廿年流水事東望只漫漫供

招之在范渙者以見其一不合再不

三四不

合有如此嗟非主法者之失入而故誤之也不省氏

識存案

丙午先生六十六歲

卜葬兩先人葬兄毅翁於昭穴先生自爲生曠於穆

查稷園曰公壽穴在入字橋此譜中所稱生墳是也
今已不可考矣蔣夫人別新墳詩云翁姑身歸三尺
土兒婦心安十二分泉下無人誰個伴臨行含淚別
新墳則非舊穴可知矣今僅一坏之士兩州志墳墓
一卷獨漏

丁未先生六十七歲

初春起候先生於講堂時先生廬墓所不值至秋杪
始得一晤初冬先生應淮安侯董公

名期生之聘 鄧縣人

鄧縣人

戊申先生六十八歲

元旦賦客中詩云嶺上梅花又一春豈知又有看花
人滿
舉筆書正月獨自低眉相戊申垂老餘閒寧
浪擲乍歸遠屐倍相親開門野鳥掠潮去不管臨流

舊隱淪時長君勛游太學渡淮北上季子昇游庠昇
方就婚於淮安郡署中至冬子婦隨先生歸

圃除夕客揚州鮑園見詩集

己酉先生六十九歲

春復開講敬修堂偶記己酉江都黃兩相關西□天

講席余爲起贊司講堂事季秋長君勛病歸仲冬卽

世舉家哀痛先生恬然曰是兒臨訣時有圓明鏡一

枝花之句自是奇人再來安得以世緣相待迺之茗

處門人徐人五倫家著同學出處傳略一卷附敬修

出處偶記目錄郭勛字季庸廣東順德人陸東陸初

名董志字倩迂江南江陰人沈起字仲方浙江嘉興

人劉振麟字軒孫江西安福人楊江度字干波浙江

杭州人鄧漢儀字孝威江南泰州人來時美字我平

震	嘉	恪	焯	士	平	兄	洲	字	端	兼	浙	浙	石	嚴	建	附	杭	字	浙	浦	浙
字	興	字	字	輝	福	啟	人	士	鵠	浙	江	江	香	曾	漳	林	州	茗	江	城	江
東	人	九	炎	福	建	晉	沈	雲	廣	江	歸	錢	福	所	浦	雪	英	蕭	人	蕭	山
岸	姚	純	初	建	浦	田	仲	福	東	新	塘	人	浦	在	人	歆	兄	紘	人	王	人
海	景	江	福	城	人	源	寅	建	會	人	孫	黃	雲	來	胡	秉	字	徐	目	附	族
鹽	珍	南	建	浦	湯	翁	公	州	人	黃	仁	雲	附	江	祖	圭	偉	孺	字	字	子
人	楚	吳	城	孫	芬	駿	亮	附	儒	字	洛	字	仙	徐	詹	如	房	芳	森	之	倬
齊	珩	縣	人	旦	字	字	浙	廖	字	南	曉	裳	石	安	印	胡	禹	江	蘭	陝	卓
昌	兩	附	弟	高	復	武	餘	雲	式	相	湖	江	南	葉	柴	質	功	南	皋	西	人
色	江	諸	字	朗	字	侯	杭	鄉	與	江	南	無	石	附	煌	明	周	崑	浙	三	潘
儒	諸	學	克	揚	孟	浙	江	吳	江	南	無	州	書	弟	字	范	香	山	江	原	集
學	諸	人	沈	浙	平	仁	和	吳	南	江	無	州	許	徵	字	香	谷	人	錢	人	字
諸	子	陳	揚	江	湖	人	人	啟	吳	江	無	州	日	字	如	陳	九	王	塘	丁	雪
時	已	時	浙	海	人	康	字	豐	縣	人	無	州	琮	字	浙	壯	逸	貢	人	克	生
已	踰	已	會	寧	季	邵	申	字	黎	人	無	州	字	字	江	行	浙	字	附	楊	福
踰	岸	岸	稽	人	鳳	字	江	文	魁	人	無	州	道	字	夏	字	寧	則	弟	字	建
臘	浙	浙	人	劉	翔	字	南	源	晉	人	無	州	道	字	木	字	波	浙	瑞	抑	之
起	江	江	王	心	字	君	附	長	遠	字	士	五	潤	字	人	福	人	江	煌	之	

寓僅咫尺終日杜門不知也偶遇晴暖過訪人五知
先生下帷於此月餘矣喜極得晤見同學出處踰
五十餘篇起問曰先生不幸有西河之戚安得有此
懷抱遂成萬餘言先生曰家人過哀我老矣不無有
痛於中特爲此書憂傷之思爲之隔絕耳起卽移具
同榻訂明春校罪惟錄信宿解維而別

庚戌先生七十歲

寒食赴龍山掃墓翌日大會祠中爲家課

外紀聞歲一試其族

子弟於守祠爲第高下則次麗達無留滯者如集得
阿子宣王望日庵諸前輩皆文章政事卓然流譽得
從姪嗣韓卷怪之語韓曰所謂文理者文與理相爲
因緣相爲變化子文與理各不相屬而忽有一二語

堅強獨出灼灼有光子能離家從我游盡以因緣變

化之法授子不三年當名滿四方豈止吳越間哉

州志

嗣韓字荊州家赤貧過時而學初不知有司尺度族叔繼佐歎爲未易才補錢塘縣諸生旋入監肄業十三年不問家耗覃精攻苦夜分欲睡舉火灼兩臂至無完膚

嗣韓歎曰世俗視某

如糞土得伯父殊鑒恩與生我等而貧不能自食先

生笑曰敬修堂上賓客盈座豈齋糧而來者哉韓遂

從游兼爲之料理家費孟秋之四日先生七袞大慶

詩集代同門沈起墨庵集葩經壽東山取孔曾思孟

七秩安雅堂集壽查伊璜調寄

取孔曾思孟

四聖之言以自訓名伊訓操序曰歲庚戌之初秋四

日余年七十矣蓋四十五爲甲前之年二十五爲甲

後之年浪視於天地之間久矣自五十時曾賦四十

九年是三詩至今日則六十九皆非後甲無是前甲
亦何從得是也作柱聯以自媿曰從心難合矩食肉
有餘年恭集四書成語如集唐體叶之於韻此乃琴
瑟以自儆惕操名伊訓曰伊人之勤在此訓也重九
登起陪先生游西山諸勝得口占五十首每首各系
以序又夢中得句云祝吾五指化（雜記）爲石點點一作
上片雲亦是山宿於靈隱（查浦輯聞）先生爲僧巨德
拳是了是了又是了（應靈隱方丈聯云憑你猜
搔背上些上些再上些（嘆歎）痛癢空歸自己及法
相寺共十日嗣是以後起在敬修堂度歲

辛亥先生七十一歲

起隨先生游虎丘渡太湖以歸有游紀歲暮及門族

姪容

州志字蘄荒號漸江詩文集

歸自滇來謁滇中人物事

蹟以供先生采擇

詩選吳逆開藩於滇廣延攬有以公名薦者遂入滇甚為禮數漸且

引為腹心公察其心不純欲辭去吳不聽一夕盜吳駿馬疾馳去吳覺遣親軍追及公公多力扶某擲地詈曰歸語老兵查蘄荒不從汝作賊也吳恚甚陰跡公公乃自楚歸里未幾吳果叛偶然逢公題吳壁有云將軍留客休投轄壯士聞雞已出關書畢卽拔騎而逃

壬子先生七十二歲

初春起還故鄉寓褚翁硯民林曙堂市時先生挈季子昇抵龍山歸墓復過武原昇忽抱血證卽泛舟入構李就醫託起審視其敗處朝夕硯民視年姪如子留昇於學園中初在武原醫家請用參先生方空囊曲計得參在學園復擬用參硯民見之力言不可用

先生不信起曰硯翁深於醫者也此係生死之關曷
細圖之先生曰硯老何所據硯民乃檢王肯堂薛理
齋醫說出示先生始信起與硯民同爲之定方授以
清火養神之劑薛公楚玉亦主是說數日有起色時
郡侯王公夔師延先生入署逾月昇亦移寓城中至仲
夏火證益退楚玉與硯民皆曰今可用參矣初秋昇
病愈歸省城應秋試先生尙留郡署至歲暮而歸

癸丑先生七十三歲

是秋海陵陸公吳州

舜

督學浙中先生仲子昌受知

於陸公列前茅族姪嗣韓應試商籍爲運使傅公所
知首拔之應道試陸公復寘第一嗣韓受教敬修堂

三年（外紀）東山第至是名聞吳越間（劉廷璣在園雜志）查荊州素怯

弱嘗讀書寒家之無倦軒予勸慰曰子病如此而午

夜呻吟何急功名而薄性命耶答曰吾非不知曾夢

神人示之以詩有五色雲中第二名之句是以戀戀

冀其一驗耳後果以五經鄉薦中榜眼及第（觚賸）國

朝五經始此先生提掖

後進老而不衰如此

甲寅先生七十四歲

先生命起葺成東山外紀共四卷（案）己亥本為門人

輯後沈墨庵續輯兩時有受恩門下而致反噬者以

卷無從購假傳勘

起所親見錄之外紀中先生即命刪去秋杪起辭先

生歸

乙卯先生七十五歲

春罪惟錄成拜經樓藏書題跋記萬季野先生所譔

明史稿五百卷周松霽大令云此卽查東山之罪惟錄故有朱康流張待軒及海昌俞子久事然余未見罪惟錄不敢懸斷識之以俟知者

案王鴻緒明史稿相傳奉萬季野爲藍本全祖望序曰川集許良謨夢榘雜鈔皆云罪惟殘錄以不及見全書爲憾已未歲遇管丈芷湘云原稿向藏桐溪馬氏被裝潢割裂早年以重價售於金陵吾鄉藏書家尙有原書十餘冊佚前二卷或有傳無論或有論無傳諸志獨全末附謚法議一卷惜無力胥鈔信宿而還特將目錄附載以資嗜古者一助

逸運外臣傳

啟運諸臣傳

抗運諸臣傳

理學諸臣傳

經濟諸臣傳

武略諸臣傳

荒節諸臣傳

致命諸臣傳

諫議諸臣傳

諷諭諸臣傳

清介諸臣傳

乘時諸臣傳

循謹諸臣傳

文史諸臣傳

播匿諸臣傳

隱逸傳

獨行傳

閨懿傳

庸謨諸臣傳

方外傳

藝術傳

回回傳

宦侍傳

姦王傳

荒服傳

蠻苗傳

勝國傳

外國傳

天文志

地理志

厯志

五行志

禮志

樂志

學校志

職官志

貢賦志

土田志

漕志

科舉志

兵志

刑法志

將帥志

河渠志

宗藩志

經筵志

班爵志

藝文志

冠服志

九邊志

錢法志

屯田志

鹽法志

典牧志

錦衣志

直閣志

陵志

茶法志

附謚法後論

先主每日必研墨濡筆至仲夏拈筆不覺手重繼以頭暈雖飲食如常而精力頓減孟秋有書達起首云墨庵不來心疑殊甚末云我意中事墨庵當知之未

幾復遣仲子昌孥舟見招起整頓寒衣未卽赴先生
意中有感口吟曰天空雲浮意何如東山其頽將焉
之省兮省兮不省兮命昇兒書之昇驚愕不敢書請
大人罷吟不許昇伏地再懇先生大愠幾與之杖昇
不得已書畢先生喜復口吟不已起旣至昌先入問
安卽延起至內室先生坐左起側坐於右問安畢病
中不便步履神氣亦稍減而喜動顏色自午後侍坐
更餘始登樓就寢明日早粥後命昇兒取生平所著
書相對校閱中有誤字或有漏義應改應補者起卽
請於先生咸唯唯如所請全集計一百二十冊約八
千餘葉校三旬始畢過歲暮病頗減能強步至敬修

堂每日命起朗讀後甲集或詩或文三十餘葉先生欣然以爲樂抵暮鐙下則起與昌昇咸侍左右互談至二鼓除夕侍坐初更先生語起曰十明晨夙興不宜久坐乃辭而出是夕先生甚安適家人皆以爲喜丙辰先生七十六歲

元旦先生於辰時整衣冠登堂闔家以次上壽先生倦客書閣中奉宣尼掛像親自登閣拈香成禮昌昇以周旋歲事離左右起獨侍坐先生曰此時空閒我獨語子明日復爲是言至五六日每言及之其詞甚約其意甚遠起爲之惻然時灑淚於隱處值八日先生步至講堂親筆大書令妻壽母四字爲繼配蔣夫

人壽夫人於十九日六秩預慶

東山及門諸弟子集

堂查母蔣夫人六秩壽門闕顯融幼循女則恭勤婦

道虔將時享恪襄表葬同心桴鉞禔禔所生扶攜遐

盜慘木下垂愛如已出雲居贊待命長參百禱益悟禪

黨撫存族誼得史波及擬殉待命長參百禱益悟禪

學曲恩猶子敦睦閭里訓諭奴僕將製錦障其書法

析勞搜攬古義舉存詩偈

寬廣幾二尺筆勢矯健起喜極以爲病愈之兆十一

日語起曰春秋重大宗爲世卿繼襲言也漢序以來

自勳而外無大宗之可言後儒紛紛之論殊未合子

可以此意序入外紀中十二日本邑許侯枉駕

名三禮字

典三號西山安陽人順治辛丑進士康熙十二年知海寧先生以疾辭固請乃就

臥榻閒坐語皆以道義相勉不及私良久別去先生

自去秋及春辰刻下樓必先語蔣夫人然後令侍女

扶持獨於十三日不告夫人不令扶持徑急趨下梯
起與昌昇方早粥於樓下急近前手扶先生神色自
若曰無容爲也午後稍覺痰喘夫人乃治榻樓下自
此不復登樓卽樓旁爲臥室十四日以痰喘故擁衾
危坐夫人誕期將近遠邇姻族以次踵至先生語夫
人曰吾心境清閒汝可接見諸堂客於是呼起入臥
室與昌昇同坐牀榻間三人或擁於前或扶於後族
姪嗣韓嗣琛字德尹號查浦康熙庚辰進士著查浦詩鈔以次供飲餌之
事至十七日讌客先生命扶至堂中觀劇四時迺歸
臥室不以爲勞十九日爲夫人祝壽先生仍扶至堂
中受閭家及親友拜賀之禮

二十日戌時先生終於正寢

二十日堂客始別去起在寢室服勤六晝夜至是始就外館薄暮起與同門徐倫皆候於帷幕之傍仍進粥少許至戌時末刻無所囑寂然而逝嗚呼痛哉起在講堂度歲者六親見先生歲時享祀自高曾以下必設兄毅翁弟少王之位弟師虞繼卒亦爲之設位教誨二子必以孝友爲歸其天倫篤摯無論四方交游不及知卽及門諸子亦未詳而起獨知之是歲除夕復於書室中設許效翁范文白兩公之位先生雖病親致奠祭至於出涕其於友誼良感感也時海內各以意測先生先生亦隨其意付之有與講席明理

學之宗者謂先生務道與共安危之間者謂先生知
兵與解吐納之功謂善養生與奮塵縱橫四坐折聽
謂好辨難與肄弓馬攻五兵之用謂精騎射與陸博
蹴鞠及書畫管弦等事謂善游藝與緩急人約之以
輕身謂任俠與風雨相向金石不化謂志堅與拱答
退讓謂謙而光與共一事參一議期於善此而不以
爲功謂和以濟或臨不可奪萬人亦往謂先生壯及
無意當世但杜門著述謂先生勤於文學而已亦有
以聲色言先生者嗟乎昔之東山以絲竹溷其盈滿
而身以全今之東山復借聲色以貶損其名譽而身
亦以全夫太傅之絲竹也與步兵之酣飲也羅昭諫

之肆志玩物也古人全身之學不一而足又何疑於
先生獨怪受恩不報至反噬於身後者且一二見也
嗚呼白先生沒幾一載起撮舉七十六年中之大者
集成年譜而罅漏甚多餘詳外紀中

查東山先生年譜

查譜

五十一

書湖州莊氏史獄

吳江 翁廣平 海村

吳興之南潯鎮有莊氏九龍焉九龍者莊允城與其弟允坤允採其子廷鑑廷鉞允採子廷鑑廷鑒廷鏡廷銃俱以才學名著兩浙故湖人以荀氏八龍比之莊氏世居震澤之陸家港至允城始遷南潯允城字君維明季歲貢生爲復社遺老善望氣之術偶游南潯之夏家園見金銀氣甚盛遂購而居之得藏金無算時里中有朱佑明者父爲木工與鄰寺老僧善父死佑明給使寺中僞爲馴謹僧信任之先是有湖廣商人擁厚貲因寇氛梗路以銀置桐油簾中寄僧舍約曰俟五年不來而後

售適市中桐油價倍僧命佑明售其值以待佑明發麓視之取其金驟富誑僧以掘窖得金閱七年商人至就僧索桐油不得告以故僧曰無憂佑明長者不吾負也因同造佑明佑明倒屣迎曰賴客賞得厚其息請以原數歸僕取其羨商大喜留飲竟醉夜半率健僕刺殺商兼誼僧僧曰吾爲德於爾殺之不祥佑明日大恩難報舍之不祥僧曰休矣二十年後與汝了此公案竟殺之知其事者畏不敢發也嗣後佑明家愈富所爲益恣肆吳興士夫羞與往還夤緣曹村金相國締姻相國送女至佑明別起華堂盛供張飲食窮山海之產相國顧語客曰美哉室蔑以加矣而題署者無一鉅公長德何也

佑明恥之買得故相朱公國楨清美堂其額則華亭董宗伯書也乃去故相款署而加髹焉佑明以女妻莊廷鑑廷鑑字子美年十九拔貢目旋盲因思史遷有正明失明厥有國語之說遂欲著書成一家言故相朱公嘗取國事及公卿志狀疏草命胥鈔錄數十帙廷鑑得之則招致賓客日夜編輯爲明書書垂成而廷鑑卒無子其父允城流涕曰我當先刻其書而後爲之置嗣顧亭林集及全祖望鮑琦亭外編云明相國烏程朱文恪公嘗著明史舉大經大法者已刊行於世未刊者爲列朝諸臣傳朱氏中落以稿本質於莊廷鑑因竄名已作佑明則刻之補崇禎一朝事中多指斥語易名史槩云佑明則任劄劄事書刻清美堂藏板欲附名以傳也書凡百餘冊所列參訂姓氏二十四人皆一時知名之士初允城

之京師客其舅氏吳尙書默幕夜夢梁開白鳳飛來求
救明日吳閱大辟囚文案有盜曰梁飛鳳允城以夢告
遂釋之允城乃給金帛并書薦於某總兵從征湖苗有
功仕至兩浙提督因感允城恩約爲兄弟時至允城所
建百尺樓中辛丑歲有吳之榮者年二十餘以賊繫獄
遇赦得出嘗有求於佑明佑明不卽出屬門客延之入
宿東軒見廷鑑所著書有忌諱語持書要賂允城欲許
之梁飛鳳曰踵此而來盡子之產不足以給也遂使部
將驅之境外於是之榮白其事於將軍松魁魁移巡撫
朱昌祚朱牒督學胡尙衡允城並納重賄以免乃稍易
忌諱語重刊之之榮計不得行特購初刊本遂入京奏

之四大臣大怒

四大臣索尼鼐拜遇必隆蘇克薩哈

遣官之杭執廷鑑之

父允城

亭林集及湖濱雜記云卽逮允城至京聽三法司訊之允城音啞蓋之榮使人陰藥之也王寅

冬允城死大理獄

及其兄廷鉞及弟姪之列名於書者十八人

皆論死允坤死於成書前不列名不坐而發廷鑑募焚

其骨籍沒其家產并坐朱佑明家

全氏外編云序中稱舊史氏指文恪也之

榮不知因怨佑明遂指其姓名且以堂名爲證佑明及五子並誅

參訂二十四人中吳

江董二酉死二歲剖棺剉其屍張雋投水死胡某逃匿

海濱爲僧海昌查伊璜曾識拔吳六奇於未遇時至是

爲兩廣提督遂奏免其罪海昌范文白亦免或謂并六

奇救之也烏程閔毅夫仁和陸麗京已繫獄而得釋其

餘歸安茅元錫吳之鏞之銘吳江潘樞章吳炎等十人

併刻書鬻書者同磔於杭之彌教坊時癸卯五月五日也作序者禮部侍郎李令哲亦伏法并及其四子令哲幼子年十六法司令其減供一歲例得免死充軍對曰余見父兄死不忍獨生卒不易供而死將軍松魁及幕客程維藩械赴京師魁以八議僅削官維藩戮於燕市朱昌祚胡尙衡賄謝者委過於初申覆之學官故歸安烏程兩學官竝斬而朱胡幸免湖州太守譚希閔推官李煥皆以隱匿罪絞漕墅關權貨主事閻門書坊有是書遣役購之其鄰朱姓者爲判其價時主事已入京以購逆書立斬書坊賈及役斬於杭朱姓者以年逾七十免死偕其妻發極邊其列名之同產昆弟子男年十

五以下者并妻子皆論戍是獄也死者七十餘人遣戍者百餘人吳之榮卒以此起用并以所籍朱佑明之產給之後仕至右僉都當讞獄時浙之大吏與刑部侍郎鑒於松魁且畏之榮復有言雖冤者不敢奏雪也莊氏及參訂諸人在虎林軍獄雖受桎梏之苦而滿洲佟將軍頗加愛護飲食供奉無或缺故得以詩歌相倡和就刑時諸公有絕命詞者佟將軍搜其遺稿摹刻之共六石今惟廷鑒一石存焉廷鑒字美三辭翰皆妙有豚犬縱難全覆卵糟糠豈罪及然其一氣潮迴江上月全家淚灑武林春等句潘吳詩載觚賸中吳有贈美生詩卽美三也廷鉞字佐璜才華最富七歲能詩著有百尺樓

詩稿有檇杌有名終累楚鵠夷無後可留齊之句懼禍
時年二十四召上詩鈔選其詩作嚴三史虎丘志作嚴
戊云當史難發時其朋友親族奴僕之爲存孤計者有
數人其一馬要沈修若匿廷銳一子於家家恐禍及修
若曰急難相救正在此時若學他人畏避安賴此親戚
爲蓋所匿者其外孫也其一吳淩馬价人素任俠與廷
鏞善率拳勇數十人從檻車中奪廷鏞少子認爲己子
避卒并逮价人三受三木之刑無異詞遂率其少子去
莊君佩者允城從弟也獄急時君佩竭力營救并給衣
食復盡收十八人骸骨歸葬祖塋之側莊西雍允城族
子在京師知難發命善走者日馳五百里至家使區處

後事越五日邏卒始及門廷鑒長子濟字日麟年十歲
補博士弟子以文名造戍瀋陽震澤沈謙至戍所設奇
運策而救之歸濟更姓王著有半硯齋詩稿沈謙見縣
志孝義傳其三僕及僕婦乳母五人皆廷鉞家人一日
計阿翁廷鉞婦潘氏媵僕也阿翁隨潘氏至戍所事主
母備嘗荼苦主母死土人欲火葬阿翁以死爭免乃收
拾骸骨走萬里歸葬一曰高僕婦高兄弟二人亦隨主
母及小主人同戍二人觸瘴死其兄之妻在家守節半
硯齋稿中有高僕婦一篇一曰松江乳母朱姓或曰謝
姓曾以珠籠匿廷鉞三歲子繩武遞迹松江與其夫紡
織以爲食後莊氏求繩武歸及長思報乳母夫婦恩竟

不可蹤跡余案莊史事亭林集貫齋集觚賸及諸邑志
皆載之貫齋於莊氏兄弟不置褒貶仲山則以才稱之
亭林則曰不甚通曉古今其書冗雜不足道也又曰余
一至其家薄其人不學竟去以是不列名獲免於難書
中有忌諱語本前人詆斥之詞未經刪削者潘吳二君
以才名素著列之參閱實未嘗受其聘也有周恭先者
既以幣聘矣以他故爲莊所擯亦免於難余讀松陵詩
略茗上詩鈔所選廷鉞兄弟詩與獄中石刻詩風格峻
整詞采典贍可稱專門名家非強作解事者然則莊氏
大約以才華著而於史學或未見其長耳夫允城以救
梁飛鳳之故而其禍卽發於飛鳳查伊璜以譏吳六奇

之故而六奇卽有以免其禍報施之不同有如是耶余
聞之榮任烏程時頻過佑明佑明一見卽咄咄稱怪以
其貌類似寺僧也及史難作逆數殺僧之歲正二十餘
年又聞莊氏後人曰史難將發時南潯市中忽有若瘋
顛者走呼三日曰朱氏絕莊氏滅是知淮南子所云掘
藏之家必有殃易云積不善之家必有余殃者其信然
乎全氏外編及盧氏紀事云吳之榮以發姦加道銜起
用見被殺者多亦痛哭追悔至武當山建壇懺罪爲
神所擊伏不能起昇歸
疽發於背洞見五臟死

右翁海邨徵君館潯谿時所著莊氏史獄記一篇王
辰春吾鄉葛茂才泮南錄其手稿見示余棄置敝篋
中幾二十餘載矣今夏偶檢得之爲繕其副然讀其

中有可疑者四焉佑明之害湖商與僧僧曰二十年
後與汝了此公案然史難爲吳之榮發於順治辛丑
相傳之榮後身卽前之僧人其年數亦相符則害僧
當在崇禎十四五年間豈有一市僧殺人人皆側目
而無敢入告有司任其漏網則可疑者一商之寄銀
七年而後來取則寄銀當在崇禎七八年閒時湖湘
尙無兵燹不至道梗難行至辛巳壬午閒流寇充斥
反欲載寶言旋此可疑者二余讀武林女士陸莘行
麗京先生雲游始末記云廷鉞妻潘氏入臬獄聞其
夫已受極刑一慟而絕蓋莘行爲麗京先生之女亦
以史禍牽涉全家入獄所目擊者此云沒於戍所拾

骨歸葬可疑者三辭墅榷關主事購一書至棗市并
其吏役皆死佟將軍雖憐才陰護然廷鉞等倡和詩
歌公然勒石而不恤及於茲可疑者四蓋徵君所著
惟折衷潯谿故老傳聞證以吳中先輩諸文集故其
所敘不無牴牾惟錄此以備佚聞不足咎其疏略也
然貞元會合之交秉筆者最難著議史禍之酷莫甚
於魏之崔浩尙猶奉敕而撰至虞山蒙叟自謂留心
明史著述垂成因絳雲一炬而灰冷此史一行其中
悖謬之處必多則禍不亞於崔浩矣嗚呼豈錢氏之
有祖德藉一炬以滅其妄肆雌黃鑒於莊氏亦未始
非虞山之深幸也夫時

咸豐二年歲次壬子七月下浣海昌管庭芬芷湘甫
書後

查東山年譜一卷門人沈起仲方撰東山先生名繼佐
字伊璜海寧人崇禎癸酉舉人國變後魯王授兵部職
方主事兵敗歸里開敬修堂聚門人講學南潯史案起
牽連被逮釋歸卒年七十六先生居海寧袁化鎮龍山
在其居之西呼其山爲東山學者均稱東山先生著書
滿家約八千餘葉刊行者甚少此年譜沈仲方所輯仲
方自丁丑及門至丙辰易簪四十年雖改爲僧服離合
不常然飫聞懿訓微窺宗旨親受枕膝之言所紀似較
親切亦未刊播幸同里張鍊庵收得藁本與裔孫世澧
復取他書補之附之頗爲完備卽徵引書目五十種東
山自著書十一種近日見不及半蓋粵匪未亂之前舊

書尙易得也學園集又無傳本則此譜急宜單行惟稿
本傳鈔訛脫尙恐不免歲在柔兆執徐三月上巳吳興
劉承幹跋